

1 Corintios

Pablo Cohãcjũ yequinare Corinto cjẽnare ojoa ohoahye

¹⁻² Yũhũ Pablo, Jesucristo yere buhe duti tiquiro cũrigũ ijiaja. Cohãcjũ tiquiro cahmeno sahata Jesu tiquiro cũacjũre beseahye yũhũre tiquiro. Mũsare Cohãcjũ yequinare Corinto cjãnare ojoa ohoaja yũhũ. Sostene mehna quehnoa dutiaja mũsare. Ahriquiro gũhũ mari acayũro Jesu yaquiro ijire. Jesucristo mehna cjãna mũsa ijigũ Cohãcjũ yequina ijiana beseahye Jesu mũsare. Sa ye ijipihtiyequina apequina mari pũhtoro Jesucristore siniñequina ijiye, tiquina gũhũ Cohãcjũ yequinata ijire. Tiquina sa ijigũ Jesucristo pehe mari ijipihina pũhtoro ijire. Sa yena mũsare ijipihinare ojoa ohoaja yũhũ. ³ Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Jesucristo pehe mũsare quehnoano ye basahye mari Pacũ tiquirore dutiro sahata

⁴ Jesucristo yequina mũsa ijiri bato tiquiro pehe mũsare quehnoano ye basare Cohãcjũre. Tiquiro sa yegũ ihñagũ, Cohãcjũre “Quehnoare”, niducuaaja yũhũ decoripe. ⁵ Cristo yequina mũsa ijigũ ihñano Cohãcjũ pehe mũsare quehnoano ijigũ yere. Sa yero tiquiro yere mũsare apequinare quehnoano yahuanare yeri tiquiro. Sa yero tiquiro yere quehnoano masigũ yeri mũsare.

⁶ Cristo yere m̄sare ʉsã buheriro sahata sata wahari m̄sare, Cristo yequina m̄sa wahagũ. ⁷ Sa yero Cohãcjũ m̄sare quehnoano yedoho peho cãnota. Mari p̄htoro Jesucristo ahri yehpap̄u tiquiro tojoa tatire m̄sa cohtero watoa Cohãcjũ pehe m̄sare sa yedohoducurota. ⁸ Sa yero Jesucristo pehe m̄sa ñaÑe yerire cohãriquiro ijire. Tiquiro sa ijiriquiro ijigũ m̄sa pehe decoripe, ahri deco pihtiḡp̄u gũh̄re m̄sa ñaÑe yerire tiquiro cohãnohrina ijiducunata. Sata tiquiro m̄sare yedohorota. Sa yena Jesucristo mari p̄htoro tiquiro tojoa taḡp̄re ñaÑe buhiri mariena ijinata m̄sa. ⁹ Tire Cohãcjũ tiquiro nidiro sahata tiquiro yere. Tiquiro mac̄no mari p̄htoro Jesucristo yequina ijianare marine beseahye. Tiquiro sa besenohrinare Jesu yequina ijigũ yeri marine.

Jesu yequina Corinto cjẽna cahmecoañe cahme tuhtiahye

¹⁰ Ȳh̄h̄ acaye, mari p̄htoro Jesucristo tiquiro dutiro mehna m̄sare tutuaro dutigu taḡu niaja ahrire: M̄sa basi cahme tuhtieracãhña. Sa yena m̄sa basi cahme tu waeracãhña. Ihcã curuata ijiya m̄sa. Sa yena sijoro saha ni yahuducueracãhña m̄sa basi. Sa yena m̄sa yeatire tahotuna, ihcãno mehna yeya m̄sa.

¹¹ Ȳh̄h̄ acaye, m̄sa basi cahme tuhtina niñohti m̄sa. Sa ni yahuri Cloe ya w̄h̄h̄ cjẽna ȳh̄h̄re. ¹² Ihquẽquina m̄sa mehna cjẽna ohõ saha ni cahme tuhtiñohti: “Pablo ya curua cjãna ijiaja ʉsã”, ni cahme tuhtiñohti ihquẽquina m̄sa. Sa ye apequina “Apolo ya curua cjãna ijiaja ʉsã”, niñohti tiquina gũh̄. Sa ye apequina pehe “Pedro ya

curua cjãna ijiaja usã”, niñohti tiquina gũhũ. Sa ye apequina pehe “Cristo ya curua cjãna ijiaja usã”, niñohti tiquina gũhũ. ¹³ Mũsa sa niepegũta Cristo yequina ihcã curuata ijiaja mari. Mari basi cahme tu wa doco masiedaja mari. Ihcã curuata ijiaja mari. Yũhũ Cristo ijieraja. Tiquiro yero saha mũsa ye buhirire curusapũ yariarigũ ijierũ. Tutuayere cũoeraja. Sa yegũ ihyo ijigũ ijiaja. Sa yero mũsare apequiro wame yero, Cristo ye tutuaye mehna wame yeri. Yee tutuaye mehna wame yerari. ¹⁴ Mũsare, mũsa mehna cjẽna gũhũre wame yerũ yũhũ. Crispore, Gayo gũhũre tiquina dihítare wame yei. Apequina pehere wame yerarigũ yũhũ ijigũ quehnoare yũhũre. ¹⁵ Peyequina masare wame yerigũ yũhũ ijigũ “Pablo ye tutuaye mehna tiquiro wame yeri usãre”, ni ihñaboaga mũsa yũhũre. Sa yegũ tire cahmedũ. ¹⁶ Estefana ya wũhũ cjẽna gũhũre wame yei yũhũ. Topequinata wame yei yũhũ. Apequinare yũhũ wame yeriquinare boaa wahaũ yũhũ. ¹⁷ Cristo yũhũre ohoro, wame yeacjũre cũedari tiquiro yũhũre. Quehnoañe buheyere buheacjũ pehere cũri yũhũre. Cristo curusapũ tiquiro yariarire yahuye buheye marine quehnoana wahagũ yere. Tiquiro sa yepegũta quehnoañe buheyere yũhũ esa tuharo yũhũ buhegũ yũhũ pehere ihña wahãboaga mũsa. Mũsa sa ihña wahãna quehnoañe buheye pehere ño peoeraboaga mũsa. Sa yena quehnoana wahaeraboaga. Sa yegũ Jesu ye buheyere buhegũ yũhũ esa tuharo yũhũ masiñe mehna buheraja yũhũ.

Cohãcjũ tiquiro tutuayere tiquiro masiñe gũhũre

caoriquiro ijire Cristo

18 Pecapɛ butiatiquina pehe Cristo curusapɛ tiquiro yariarire yahuye buheyere “Tɛho masieñequina ye buheye ijire ti”, nimene butiatiquina pehe. Mari pehe Cristo tiquiro yɛhdɛonohatina ijina ohõ saha niaja: “Curusapɛ tiquiro yariarire yahuye buheye ti waro ijiro nine. Ti buheye Cohãcjũ tiquiro tutuayere yahure marine”, niaja mari. 19 Cohãcjũ pehe tiquiro yere tiquina ojoari pũpɛ ohõ saha nine:

Ahri yehpa cjɛnare “Quehnoano masieñequina ijire”, tiquina niñequinare tiquina masidire dɛhseati ijieragũ masigũ yeitja yɛhɛ, niahye Cohãcjũ tiquiro yere tiquina ojoari pũpɛ.

20 Sa ye ahri yehpa cjɛna quehnoano masieñequina dɛhseati tiquina ijierare. Ʋsã acaye judio masare buheyequina gũhɛ dɛhseati tiquina ijierare. Yojobɛre yahuducu mihniñequina gũhɛ dɛhseati tiquina ijierare. Ahri yehpa cjɛna quehnoano masieñequina tiquina ijiepegũta masieñequina tiquina ijiyere masigũ yerĩ Cohãcjũ.

21 Cohãcjũ pũrita quehnoano masiniquiro ijire. Tiquiro sa ijigũ ahri yehpa cjɛna tiquina esa tuharo tiquina masieñe mehna Cohãcjũre ne masiedare tiquina. Cohãcjũ tiquiro masi dutiero sahata sa wahari tiquinare. Cohãcjũre cahmeeñequina pehe ohõ saha nine quehnoañe buheye warore: “Tɛho masieñequina ye buheye ijire”, nimene. Sa yeye quehnoañe buheyere “Tɛho masieñe buheye”, tiquina niñe buheyere tɛhoye, Cristore masi dɛcare masa. Tiquina sa masi dɛcagũ Cristore tiquina wacũ tutuagũ ihñano tiquinare tiquiro

yequina wahagũ yere Cohãcjũ. Sa waha dutiri tiqiro.

²² Judio masa Cohãcjũ tutuaye mehna tiqiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine. ²³ Mari pehe Cristo curusapũ tiqiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tũho masieñequina ye buheye ijire”, ni tũhoture. ²⁴ Tiquina sa ni tũhotuepegũta Cohãcjũ yequina ijiatire tiqiro beseriquina pehe ti buheyere ohõ saha nine. “Cristo ye buheye Cohãcjũ tutuayere tiqiro quehnoano masiñene masigũ yere marine”, nine tiquina ahri buheyere. Tiquina judio masa, judio masa ijieyequina ijiepete, sa nine Jesu yequina.

²⁵ Cohãcjũ masi pehoriqiro ijire. “Tiqiro tũho masieniqiro ijire”, masa tiquina ni tũhotuepegũta ahri yehpa cjẽna yũhdũoro quehnoano masi pehoriqiro ijire tiqiro. Sa yero Cohãcjũre “Tutueriqiro ijire”, masa tiquina ni tũhotuepegũta tiquina bui tutua yũhdũũcariqiro ijire tiqiro. ²⁶ Ti yũhũ nidi ijirota ijire.

Yũhũ acaye, Cohãcjũ mũsare tiqiro yequina wahagũ tiqiro yegũ mũsa peyequina ihyo ijina mũsa ijirire wacũña mũsa. Ahri yehpa cjẽnare “Quehnoano masiñequina”, tiquina niñequinare meheñequinagã Jesu yequina ijiatiquinare beseahye Cohãcjũ. Sa yero pũhtoa gũhũre meheñequinagã Jesu yequina ijiatiquinare beseahye tiqiro. Sa yero pũhtoa pohne gũhũre

meheñequinagã Jesu yequina ijiatiquinare beseahye tiquiro. ²⁷ “Tũho masieñequina ijire”, tiquina niñequinare Cohãcjũ beseahye “Quehnoano masieñequina ijire”, tiquina niñequina tiquina bũoro wahatire. Sa yero “Wacũ tutueyequina ijire”, tiquina niñequinare Cohãcjũ beseahye, “Wacũ tutuayequina ijire”, tiquina niñequina tiquina bũoro wahatire. ²⁸ Masa tiquina ihña tuhtieyequinare “Dũhseatiquina ijierare”, nine masa. Tiquina sa nidiquinare Cohãcjũ tiquiro yequina ijiatiquinare beseahye tiquinare. Sa besero “Pũhtoa waro ijire”, tiquina niñequinare ihyo ijieyequina tiquina ijiyere masigũ yehye Cohãcjũ tiquinare. ²⁹ Tiquiro sa yegũ ahri yehpa cjẽna ne ihcãquiro “Tutuagũ, quehnoano masigũ ijiaja”, ne ni yũhdũdũca masiedare, Cohãcjũ ihñonopũ.

³⁰ Cohãcjũ pehe marine Jesu yequina ijigũ yeri. Tiquiro yequina ijina marine tiquiro yũhdũori bato ijipihtieye decori Cohãcjũ mehna ijinata mari. Jesucristo pehe Cohãcjũ yere quehnoano masigũ yere marine. Sa yero mari ñañe buhirire cohãre. Sa yero mari ñañe yerire cosero, marine “Quehnoañequina ijire”, Cohãcjũ ni ihñagũ yere Cristo Cohãcjũre. Sa yero marine pecarũ wahaborinare yũhdũore. ³¹ Tiquiro sa yegũ Cohãcjũ yere tiquina ojoari pũrũ tiquiro ni ojoariro sahata sa wahare: “ ‘Yũhũ esa tuharo masi pehogũ ijiaja’, nidiquiro tire niedacãhdo. Ohõ saha niahdo: ‘Mari pũhoro Cristo pehe marine yũhdũoriquiro ijire’, niahdo tiquiro”, nine Cohãcjũ yere tiquina ojoari pũrũ.

2

Ahri buheye Cristo curusapũ tiquiro yariarire yahure

¹ Yũhũ acaye, mũsa cahapũ esagũ “Quehnoano masi pehoaja”, mũsare ni buherũ. Cohãcjũ yere mũsare buhegũ, sa ni buhegũ niedũ. ² “Ohõ saha ni buheitja”, nigũ mũsa mehna ijigũ Jesucristo ye dihitare curusapũ tiquiro yariari dihitare wacũgũ, ti buheyere buhei yũhũ. ³ Sa yegũ mũsa mehna ijigũ ihyo ijigũ yero saha ijii yũhũ. Sa yegũ Cohãcjũ yere queoro buhe duagũ ijigũ cuegũ, nanaredigũ yero saha ijii yũhũ. ⁴ Sa yegũ Cohãcjũ yere buhegũ, “Masi pehoaja”, ni buherũ. Tiquiro yere yũhũ buhegũ Espíritu Santo tutuaye mehna yũhũ buhegũ ihñari mũsa. ⁵ Ohõ sahata ni buhei yũhũ mũsare masa tiquina esa tuharo buheye pehere mũsa cahmedatire. Cohãcjũ pehere mũsa wacũ tuatire sa ni buhei yũhũ.

Espíritu Santo pehe Cohãcjũ ijiye tiyere buhere marine

⁶ Sa yena Cohãcjũ ye buheyere tiquiro masiñene mũsare Jesure quehnoano wacũ tutuanapũre yahuaja usã. Masa tiquina esa tuharo tiquina buheye yero saha ijierare ahri mũsare usã buheye. Ti buheye puhto ye buheye gũhũ ijierare. Tiquina puhto pehe pihtia wahaeta. ⁷ Apequina tiquina masiedarire Cohãcjũ ye yahuducuyere yahuaja usã pehe. Panopũ ahri buheyere Cohãcjũ yequina mũna quehnoano masi pehoerahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Cohãcjũ. Marine pecapũ wahaborinare tiquiro yũhdũoatire, tiquiro

mehna mari ijiati gũhure “Sata wahaahro”, ni tuhasae tiahye tiquiro. ⁸ Tiquiro sa nigũ Cohãcjũre cahmeeñequina pũtoa ne tiquiro ye buheyere tũho dueraye, masiedare. Tire quehnoano masiñe, mari pũtorore Cohãcjũ macũno warore curusapũ quẽ biha wejẽdaboaya tiquina. ⁹ Cohãcjũ yere tiquina ojoari pũpũ ohõ saha nine:

Ijipihtiyequina Cohãcjũre cahĩñequina ye ijiatire Cohãcjũ quehnoano quehno basa tuhasahye. Quehnoa yũhdũyere tiquiro quehno basahye. Tire masa ne ihñedari. Sa ye tire ne tũhoerari. Tire dũhse masino basioerare marine, nine Cohãcjũ yere tiquina ojoari pũpũ.

¹⁰ Tiquiro sa niepegũta Espĩritu Santo pehe Cohãcjũ yere masigũ yere marine. Ijipihtiye Cohãcjũ yere Espĩritu Santo masi pehore. Sa masino tiquiro marine tire masigũ yere.

¹¹ Ne apequina pehe masũno tiquiro masiñene ne masiedare. Sa ijiepegũta masũno pehe tiquiro esa tuharo tiquiro wacũñepũ tiquiro tũhotuyere masine. Sata apequina Cohãcjũ tiquiro masiñene ne masiedare. Cohãcjũ yaquiro Espĩritu Santo di-hita tiquiro masiñene masine, masũno tiquiro esa tuharo tiquiro wacũñene tiquiro masino sahata.

¹² Sa yena mari pehe Jesu yequina ijina masa tiquina esa tuharo tiquina buheyere cũoeraja. Cohãcjũ yaquiro Espĩritu Santore ohori marine masigũ yero taro. Marine tiquiro quehnoano yeatire masigũ yere Espĩritu Santo pehe. ¹³ Sa yena Cohãcjũ yere mũsare buhena, masa ye masiñe mehna usã esa tuharo buheraja usã. Espĩritu Santo tiquiro buheye pehere mũsare buheaja.

Sa buhena Espíritu Santore c̄oyequinare Cohãcjũ yere quehnoano buheaja usã.

¹⁴ Espíritu Santore c̄oyequina pehe Espíritu Santo yere ne cahmedare. “Tiquiro ye ihyo warota ijire”, nimene tiquina. Espíritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espíritu Santo yedohoro mehna tiquiro yere masiaja mari. ¹⁵ Espíritu Santore c̄oyequina pehe Cohãcjũ yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espíritu Santore c̄oyequinare. ¹⁶ Ohõ saha nine Cohãcjũ yere tiquina ojoari p̄p̄: “Mari p̄h̄toro Cristo tiquiro t̄hotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari p̄p̄. Mari pehe Cristo yequina ijina, Cristo yero sahata masiaja.

3

Jesu yequina ihcãno saha Cohãcjũre dahra cohteyequina ijire

¹⁻² Ȳh̄h̄ acaye, m̄sare buheḡh̄ Espíritu Santore quehnoano ȳhtiyequinare ȳh̄h̄ buheriro sahata buhe masied̄h̄ m̄sa pehere. Cristo yequina ijiepenata, macanagã dihire tiquina ihyo masieno saha Cohãcjũ yere quehnoano masiedare m̄sa. Yojop̄h̄ ḡh̄h̄re quehnoano masiedañohti m̄sa. Ahri yehpa cjẽna ñañequina yero saha t̄hotuñohti m̄sa. Sa yena macanagã ep̄core tiquina ap̄no saha mijoeda cjũñe buheye dihitare t̄hoñohti

musa. Sa yegu ti yero saha ijiye buheye dihitare buhei musare. Cristo yequina ijiepenata macanagã tiquina ihya masieno sahata Cristo yere quehnoano masiedañohti musa. ³ Musa pehe musa mehna cjênare cahme coona, cahmequena, musa basi ihquẽ cururi tu waduca sana, Espiritu Santore caoyequina yero saha yena niñohti musa. Sa yena ahri yehpa cjêna Cristore cahmeeñequina yero saha yeñohti musa. ⁴ Ohõ saha niñohti musa: “Pablo ya curua cjãna ijiaja usã”, niñohti musa ihquẽquina. Sa yena apequina musa mehna cjêna pehe “Apolo ya curua cjãna ijiaja usã”, niñohti. Musa sa ni yahuducuna Espiritu Santo marieñequina yero saha ni yahuducuñohti musa.

⁵ ¿Yuhũ Pablo, Apolo mehna dahseanaja iji-ajari usã, musa tuhutugũ? Ohõ saha yeanaja ijina niaja usã: Cohãcjũ tiquiro dutiriro sahata tiquirore dahra cohtena ihyo ijina ijiaja usã. Sa yena musare usã buhegũ tuhona Jesucristore wacũ tutua ducare musa. ⁶ Quehnoañe buheyere buheyequina wesepũ dahrayequina yero saha ijire, mari queoye mehna buhegũ. Wese upuro tiquiro ote muhtariro saha yuhũ gãhũ musare buhe muhtaũ. Sa yero apequiro wesere tiquiro cure nanũ tãno saha Apolo pehe yuhũ bato musare buhe nanũ tãri. Usã sa buhepegũta wese cjẽ oteyere bucua nemogũ tiquiro yeriro saha Cohãcjũ pehe musare tiquiro yere masi nemogũ yeri. ⁷ Sa yegu yuhũ buhe muhtarigũ ijiepegũta ihyo ijigũ ijiaja. Sa yero Apolo yuhũ bato buhe nemoriquiro gãhũ ihyo ijiriquirota ijire. Cohãcjũ pũrita oteyere tiquiro bucua nemogũ yeriro saha

tiqairo yequinare tiqairore masi nemogũ yere. Sa yena Cohãcjũ pehere ño peoro cahmene m̄sare. ⁸ Ote mahtariqairo, came cure n̄n̄n̄ tãriqairo ihcãno saha dahra cohteyequina ihyo ijiyequinata ijimene tiquina. Sa ye tiquina dahrariro punota wapatare tiquina. Sata ijiaja usã, Apolo mehna. ⁹ Sa yena usã Cohãcjũ yere dahra cohtena ijiaja. Sa yero Apolo yah̄h̄ mehna cjũno ijire. Usã sa ijigũ m̄sa pehe Cohãcjũ ya wese yero saha ijire. M̄sa sa ijigũ Cohãcjũ ya wese cjẽ oteyere tiqairo buca nemogũ yero saha m̄sare tiqairo yere masi nemogũ yerota tiqairo.

Sa ye Cohãcjũ m̄sare tiqairo yequinare quehnoari curua yero nine. Sa yena utã mehna tiquina yeri w̄h̄h̄ yero saha ijire m̄sa tiqairo ya curua cjãna, mari queoye mehna buhegũ. ¹⁰ M̄sa sa ijigũ Cohãcjũ yah̄h̄re tiqairo dutiriro sahata yah̄h̄ pehe w̄h̄h̄ dahre mihnidiquiro utãre tiqairo cũ mahtariro sahata Jesucristo yere m̄sare buhe mahta. Sa yero ti utã paca bui apeqairo tiqairo ye nemo m̄jano sahata apeqairo yah̄h̄ bato buhe nemo n̄n̄n̄ tãno nine. Sa buhe nemono quehnoano mehna buherota. Sa yero Cristo ye dihitare buherota tiqairo. Sata bueahro tiqairo. ¹¹ W̄h̄h̄re tiquina dahre d̄ca tiquina cũ mahtaria utã yero saha ijire Cristo. Sa yena ti utãre usã quehnoano cũ mahtariro saha Cristo yere buhe tuhasa. Apeqairo ye buheye pehere mari buhegũ quehnoaedaga.

¹²⁻¹⁵ Uru mehna, plata mehna, wapa buj̄ye utã paca mehna mari yeri w̄h̄h̄re mari uj̄ã tuhugũ uj̄edare. Sata Jesucristo yere mari quehnoano yeri bato pihtiri deco ijigũ Cohãcjũ mari yerire

ujãa tuhuriro saha yerota mari yerire masino taro. Sa tiquiro yegã quehnoano yeri wãhũ ujãedariro saha mari yerire ti quehnoañe ijigã masinota. Sa yero mari quehnoano yerina mari ijigã masigã yerota tiquiro. Quehnoano mari yeri wapa quehnoano yerota marine.

Sa yero yucãri mehna, taa mehna, ñaidi pũri mehna mari yeri wãhũre mari ujãa tuhugã ujãa wahare. Sata Jesucristo yere mari quehnoano yerari bato pihtiri deco ijigã, Cohãcjũ mari yerire ujãa tuhuro yero saha yerota mari yerire masino taro. Sata tiquiro yegã ñano yeri wãhũ ti wãhũ ujãriro saha mari yerire ñañe ijigã masinota. Sa yero mari quehnoano yerari bato ijigã marine masigã yerota tiquiro. Sa yero quehnoano yerarina mari ijigã ihñano quehnoañene mari yemedi wapare quehnoano yesi marine. Sa ijiyequinare Cohãcjũ yũhdũorota. Sa ye sa quehnoano yerariquina mehenogã mehna yũhdũeta.

¹⁶ Mũsa pehe Jesu yequina Cohãcjũ ya wãhũ yero saha ijire. Mũsa sa ijigã ihñano ti wãhũpũ tiquiro ijiboro saha Espiritu Santo pehe mũsa mehna ijire. ¿Tire masiedajari mũsa? ¹⁷ Cohãcjũ ya wãhũ ñañe marieni wãhũ ijire. Sa yena mũsa gũhũ ti wãhũ yero saha ijina tiquiro yequina waro ijire. Sa yero Jesu yequinare ihcãquiro dojomehnegũ Cohãcjũ pecapũ cohãnota tiquiro pehere.

¹⁸ Ni mehoñene tuhoturacãhña mũsa. “Yojopũ cjẽna ye masiñene quehnoano masiaja”, ni tuhoturiquiro mũsa mehna cjãno ijiro Jesu ye pehere quehnoano masiahdo. Tiquiro sa masigã ihñañe apequina tiquirore “Tũho masieniquiro

ijire”, nieta. Sa yero Jesu yere masino, potota quehnoano masidiquiro waharota. ¹⁹ Masa esa tuharo tiquina basi tiquina masiñene “Ihyo warota ijire”, ni t̄hoture Cohãcjũ. Sata nine Cohãcjũ yere tiquina ojoari p̄p̄: “Tiquina esa tuharo masiñequina tiquina masiñe d̄hseati ijierare, Cohãcjũ tiquiro ihñagũ. Sa yero tiquina cahmeno saha yeragũ yere tiquinare”, nine Cohãcjũ yere tiquina ojoari p̄p̄. ²⁰ Sa ye ape p̄p̄ ohõ saha nine: “Masa tiquina esa tuharo masi pehoyequina tiquina t̄hotuye d̄hseati ijieragũ masine mari p̄horo Cohãcjũ pehe”, nine Cohãcjũ yere tiquina ojoari p̄p̄.

²¹⁻²² Sa yena “Pablo ya curua cjãna ijiaja usã”, niedacãhña. “Apolo ya curua cjãna ijiaja usã”, niedacãhña. “Pedro ya curua cjãna ijiaja usã”, niedacãhña. Usã ijipihtina m̄sa yequina dihita ijiaja. Ijipihtiyē m̄sa ye ijire. Cohãcjũ tiquiro bajumehnedire, catiyē ḡh̄re ohori m̄sare. Sa yero pecap̄ wahaeragũ yerota m̄sare. Yojop̄ ijiyere, camer̄ ijiahi ḡh̄re m̄sare ohorota. Sa ye ijipihtiyē m̄sa ye ijire. ²³ Sa yena m̄sa pehe Cristo yequina ijire. Sa yero Cristo pehe Cohãcjũ yaquiro ijire.

4

Cristo tiquiro yere buhe duti tiquiro c̄riquina tiquina dahrayere yahuahye Pablo

¹ Ohõ saha ni t̄hotuya m̄sa ȳh̄re Apolo ḡh̄re: “Tiquina Cristore dahra cohteyequina ijire. Sa ye masa tiquina masiedarire Cohãcjũ yere buhēyēquina ijire”, ni, t̄hotuya m̄sa usãre.

² Dahra cohteyequinare tiquina p̄htoro tiquiro dutiriro saha ye cohtero cahmene tiquinare. Ȳh̄h̄ ḡh̄h̄re sata yero cahmene Cristore. ³ Sa ijiepeḡta ȳh̄h̄re m̄sa yahu wajaep̄ḡta sa t̄hotu c̄j̄a ȳh̄h̄. Apequina p̄h̄toa ȳh̄h̄re tiquina yahu wajaep̄ḡta sa t̄hotu c̄j̄a ȳh̄h̄. Ȳh̄h̄ yerire ih̄ñana “Ahri quehnoañe ijire. Ahri ñañe ijire”, ni masiedare m̄sa. Ȳh̄h̄ ḡh̄h̄ mas̄ta ijiaja. Sa yeḡh̄ ȳh̄h̄ yerire quehnoano masi pehoeraja ȳh̄h̄ ḡh̄h̄. ⁴ “Cristo yere ȳh̄h̄ ȳh̄d̄h̄d̄h̄cari ȳh̄h̄re mariedare”, ni t̄hotumaja ȳh̄h̄. Ȳh̄h̄ oh̄o saha ni t̄hotuepeḡta buhiri tiboaga ȳh̄h̄. Mari p̄htoro Cristo dih̄ta ȳh̄h̄ yerire ih̄ñano, quehnoano masine. ⁵ Sa yena mari p̄htoro tiquiro tojoa tato pano masare ñano ni yahu wajaerac̄h̄ña m̄sa. Tiquiro tojoa taro masa tiquina yerire, panop̄h̄ apequina tiquina masiedarire Cristo masiḡh̄ yerota. Sa yero mari ye duayere, mari t̄hotuyere tiquiro masiḡh̄ yerota. Sa yero tiquiro yere yeriquinare “M̄sa quehnoano yeri”, ninota Coh̄c̄j̄.

⁶ Ȳh̄h̄ acaye, ȳh̄h̄ Apolo mehna us̄ã buherire yahuu ȳh̄h̄, m̄sare buheḡh̄ taḡh̄. Sa ni yahuu ȳh̄h̄ Coh̄c̄j̄ tiquiro yere tiquina ojoari p̄r̄h̄ tiquiro nidiro sahata m̄sa yeducuatire. Sa yena m̄sa mehna c̄j̄enare ih̄c̄no saha cahme ño peoya. Ih̄c̄quioreta ño peoerac̄h̄ña. ⁷ M̄sa pehe apequina ȳh̄d̄h̄oro quehnoana ijierare. Masi ȳh̄d̄h̄d̄h̄cana ijierare m̄sa. Coh̄c̄j̄ m̄sare tiquiro ohori dih̄tare c̄h̄ore m̄sa. Sa yena m̄sare tiquiro yahuri dih̄tare masine m̄sa. ¿M̄sa esa tuharo c̄h̄ona, m̄sa esa tuharo masina ijierap̄nata, d̄h̄se yena “Masi pehona ijiaja”, niajari

musa? Sa nina “Cohãcjũ usãre ohoerari. Sa yero usãre yahuerari”, niboriro saha yere musa.

⁸ Musa pehe “Cohãcjũ yere masi pehoaja usã. Usãre yabe boro duhsaerare”, nimene musa. Sa yena musa cahapũ usã ijieragũ musa ohõ saha ni tãhotumene: “Pũhtoa yero saha masina iji-aja usã”, ni tãhotumene musa. Potota Cohãcjũre masi pehona pũhtoa yero saha masina musa ijigũ musare quehnoa yũhdũaboaga. Musa sa ijigũ musa mehna usã gãhũ pũhtoa yero saha masina iji-boaga. “Masina ijiaja usã”, ni tãhotuna, quehnoa yũhdũaro ni tãhotumene musa. ⁹ Ohõ saha ni tãhotuaja yũhũ pũrita: Usãre Jesu tiquiro yere buhe dutiro cũno, ijipihtiyequina iji bato tiri cjã curua cũri usãre. Tiquina wejẽ dutinohriquina yero saha ijianare cũri usãre. Masa tiquina cahacjẽna yero saha ijiaja usã. Ahri yehpa cjẽna masa, angele gãhũ cahacjẽna yero saha ihñare usãre. ¹⁰ Cristo yere usã buhegũ ihñañe “Tũho masieñequina ijire”, nine masa usãre. Sa Cristo yere usã yegũ ihñañe, usãre ihña tuhtire. Musa pehe quehnoa yũhdũaro Cristo yere masina ijiajari musa. “Cohãcjũre wacũ tutueyequina ijire”, ni tãhotumene masa usãre. Musa pehe quehnoa yũhdũaro wacũ tutua yũhdũana ijiajari. Musa pehere masa ño peore. Usã pehere masa ne ño peoerare. ¹¹ Usã pehe yojopũre ñano yũhdũna, ujuã ahbana, aco wũona, ñano suhti mariena, wũhũse mariena ijiaja. Sa ye apequina usãre ño peoera, usãre ñano yere. ¹² Sa yena usã tutuaro dahraja. Sa yena apequina usãre tiquina ñano yahuducuepegũta usã pehe tiquinare “Quehnoano ijiya”, niaja usã. Sa yena apequina usãre ñano tiquina yepegũta sa tãhotu cjã usã.

13 Sa yena “Ñano yeyequina ijire”, usãre tiquina niepegũta usã pehe quehnoano mehna tiquinare yũhtiaja. Sa ye panopũ, yojopũ gũhare ñaŋe wete yero saha masape cururi iji bato tiri curua cjẽna yero saha ihñare masa usãre.

14-15 Mũsare quehnoañe buheyere buhe mũhtagũ mũsa pacũ yero saha wahaũ yũhũ. Peyequina mũsare Cristo yere buheyequina tiquina ijiepegũta mũsare buhe mũhtarigũ ihcãta ijiaja yũhũ. Sa ijigũ mũsare bue tigũ yegũ tagũ ahrire ojoagũ niedũ yũhũ. Yũhũ pohnare, yũhũ cahĩnare yũhũ dutiboriro saha mũsare quehnoano mehna dutigũ tagũ ahrire ojoaũ yũhũ. 16 Sa yegũ ahrire mũsare tutuaro mehna dutigũ tagũ niaja yũhũ. Yũhare ihña cuña mũsa.

17 Ahrire ye dutigũ tagũ mũsa cahapũ Timoteore ohou. Tiquireo yũhũ macũ yero saha ijiriquireo yũhũ cahĩniquiro mari pũhtoro Jesu yaquireo ijire. Sa yero Cristo yere yeducure tiquireo. Cristo yere mari yeatire ijipihtiyequina Jesu yequina cahapũ buhei yũhũ. Timoteo tire mũsare wacũducugũ yerota. Sa yegũ Cristo yere yũhũ yeriro sahata mũsa ihña cũato saha Timoteore ohou yũhũ.

18 Timoteore yũhũ ohogũ ihquẽquina mũsa mehna cjẽna pũhtoa iji duayequina ohõ saha nine: “Pablo marine cuero, mari cahapũ ahtasi”, ni tũhotumene tiquina. 19 Cohãcjũ cahmegũ mũsa cahapũ mianogãta esaũtja. Sa esagũ pũhtoa iji duayequinare mũsa mehna cjẽnare Cohãcjũ ye tutuayere tiquina cũogũ masigũtja yũhũ. Sa yegũ tiquina sa ni maca cãri gũhare masigũtja yũhũ. 20 “Cohãcjũ usã pũhtoro ijire”, mari ni yahuepegũta tiquireo yere mari yeragũ ti mari

niñe duhseati ijierare. Cohãcjũ tutuaye mehna tiquiro cahmeno saha ye masiaja. Ti ihyo waro ijierare. ²¹ ¿Musa cahapũ musare buhiri dahreacjũ musare tuhtiacjũ yũhũ wahagũ cahmeajari musa yũhũre? ¿O musare cahĩgũ musare bucuegũ yũhũ wahagũ cahmeajari musa yũhũre? ¿Duhse ijigũ yũhũ wahagũ cahmeajari musa?

5

Corinto cjẽna tiquina wũana tirire yahuahye Pablo

¹ Potota ohõ saha quititi tire usãre apequina: Ihcãquiro musa mehna cjũno tiquiro mũonore wũana tiñohti. Sa ni yahuri masa usãre. Apequina pehe Cohãcjũre cahmeeñequina ijiepetati tiquina pehe sa yerare. ² Musa mehna cjũno tiquiro sa yepegũta musa pehe “Quehnoana ijiaja usã”, ni tuhotumene. ¿Duhse yena tiquiro ñano yeyere masiepenata bujũa witierajari musa? Sa yena sa ñano yeriquirore musa mehna Jesu yequina mehna ijiriquirore cohãña musa. ³⁻⁴ Yũhũ musa mehna ijierapegũta yũhũ wacũñerũ musa mehnata ijiaja yũhũ. Sa yegũ musa mehna ijigũ yũhũ niboriro saha ñano yeriquirore tiquiro sa ñano yeri buhiri buhiri dahre duti tuhasaja yũhũ. Jesu tiquiro dutiro mehnata sa ye dutiaja. Sa yena musa cahmecoana yũhũ wacũñe mehnarũ musa mehna yũhũ ijigũ mari pũhtoro Jesu tiquiro tutuaye mehna tiquirore ñano yeriquirore cohãña, ohõ saha niña: ⁵ “Watĩno tiquiro cahmeno saha mũhũre yecũnahdo”, niña tiquirore. Sata niña tiquirore ñañene tiquiro tutuaro cahmeñene tiquiro duhuatire. Musa sa cohãgũ tiquiro ñano

yuhdurota. Mari puhtoro Jesu tiquiro tojoa tati deco ñano yeriquiro Jesu mehna tiquiro quehnoano yuhduatire yojopare tiquirore sa niña.

⁶ “Quehnoana ijiaja usã”, niepenata ñano yena niaga musa. Ñano yeriquirore musa sa ihña cãna, ti ñañene musa ijipihtina piha pihtia wahanata. Pãre pugũ yeye trigore ti quehnoano sehsaro saha ti ñañe musare piharo quehnoano sehsaa waha-rota. ¿Tire masiedajari musa? ⁷ Yuhũ acaye judio masa pascua ijigũ ovejare wejẽ, ujãa muo, Cohãcjũre ño peore. Sata oveja tiquiro yari-ariro saha Cristo mari ñañe buhirire yariaa waha-haye. Tiquiro sa wahaire masina musa pehe ñano yeriquirore musa mehna cjũnore cohãña ti ñañe musare “Pihari” nina. Musa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina. ⁸ Pãre pugũ yeye trigore ti sehsariro saha panopũ ñañene ihña cũ, ye pihtirina ijimi mari. Sa yena pascua bose decopũ pãre pugũ yeye marieno pãre tiquina ihyariro saha mari gũhũ ñañene cahmeno marieno ñano yero marieno ijiihna mari. Panopũ mari ñañene yeriro saha yeracãhna. Sa yena potota quehnoano tuhotuye mehna, quehnoañene yei-hna.

⁹ Musare yuhũ ojoari pũpare Jesu yaquiro tiquiro ijiepegũta sa wãana tiducuriquirore ne piti ti dutierami. ¹⁰ Sa nigũ wãana tiyequinare, apequina yere tutuaro cahmeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”,

niedaja. Ahri yehpapu sa ijiyequina marieno Jesure cahmeeñequina marieno mari dihita iji masiedaja. Ijipihtiropure ijire tiquina pehe. ¹¹ Sa yegu musare ojoagu ohō saha dutimi: Musa mehna cjäno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro, “Cohãcjũ ijire”, tiquina niñe queoyere ño peoriquiro, ñano quti yeducuriquiro, queheriquiro, yaqueriquiro tiquiro ijigũ tiquirore piti tieracãhña. Sa yeriquiro “Jesu yaquiro ijiaja”, nidiquiro ijigũ tiquirore piti tieracãhña. Sa yena sa yeriquiro mehna ihyeracãhña. ¹² Sa yegu Jesu yequina ijieyequinare tiquina ñañe yeri buhirire buhiri dahre dutirigu ijieraja yuhu. Sa yuhure yeraro cahmene. Yuhu sa niepegũta musa mehna cahmecoañequina Jesu yequina musa basi musa yerire ihñana, masino cahmene musare. Sa ihña cãedaro cahmene. Sa yena tiquina ñano yegũ ihñana musare buhiri dahrero cahmene tiquinare. ¹³ Jesu yequina ijieyequina pehere Cohãcjũ pehe buhiri dahrerota. Sa yena musa pehe musa mehna cjãnore ñano yeriquirore buhiri dahrena tiquirore cohãña.

6

Jesu yequinare yahusãrire yahuahye Pablo

¹ ¿Musa basi cahme ihña tuhti yahusã duana duhse ijiro boro Jesu yequina ijieyequina cahapu musa acayere Jesu yequinare yahusãna wahajari? Jesu yequinare musa mehna cjẽnare yahusã duana apequina Jesu yequinare tire yahuro cahmene

m̄sare. Sa ye Jesu yequinap̄u beseahro. ² Pihtiri deco ijigũ mari Jesu yequina pehe masa ijipihtiyequina tiquina yerire ihñana besenata mari tiquinare. ¿Tire masiedajari m̄sa? Sa yena pihtiri deco ijigũ masa ijipihtiyequinare beseatina ijina, yojop̄u gũhare bese masiaja mari. Sa yena yojop̄ure ihyo ijiyegã buhiri gũhare bese masiaja mari. ³ Angele tiquina yerire ihñana tiquina gũhare besenata mari. ¿Tire masiedajari m̄sa? Mari sa beseatina ijina potota ti ȳhd̄uro yojop̄u gũhare Jesu yequina tiquina yerire ihñana bese masiaja mari. ⁴ ¿Sa yena d̄hse yena m̄sa mehna cj̄nare yahusã duana Jesure cahmeeñequina cahap̄u ihyo ijiyegã buhirire yahusãna wahajari m̄sa? ⁵ Ahrire niḡu niaja m̄sa queoro yerarire m̄sa buj̄ua witiatire. ¿M̄sa mehna cj̄nare m̄sa cahme d̄use tini wiagũ m̄sare yahuatiquiro m̄sa mehna cj̄no quehnoano masiniquiro mariedajari? Ijire. ⁶ Sa ijiepegãta m̄sa mehna cj̄no Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

⁷ Masare beseyequina p̄htoa cahap̄u m̄sa mehna cj̄nare yahusãna Cohãcj̄u ye pehere ȳhd̄ucana nine m̄sa. Apequiro m̄sa mehna cj̄no m̄sare ñano tiquiro yegũ sa t̄hotu cãboaga m̄sa. Jesu yequina ijieyequinare m̄sa yahusãto pano m̄sa acaȳrore m̄sa sa t̄hotu cãgũ quehnoa ȳhd̄aboaga. Jesu yaquiro m̄sare tiquiro yaquegũ tiquirore m̄sa yahusãto pano tiquiro yaquerire m̄sa sa t̄hotu cãgũ quehnoa ȳhd̄aboaga. ⁸ M̄sa gũhu sa ijinata ijire. Apequinare ñano yere m̄sa. Sa yena yaquere m̄sa. Sa yena apequina m̄sa mehna cj̄na Jesu

yequina tiquina ijiepegũta tiquinare ñano yena, yaquere m̄sa.

⁹ Sa yeyequina Cohãcjũ p̄htoro ijirop̄re ʘhm̄sep̄re waha masiedare. ¿Tire masiedajari m̄sa? Ni mehoñene t̄hotueracãhña m̄sa. Mari p̄htoro ijirop̄re ne wahasi ohõ saha yeyequina: W̄ana tiyequina, “Cohãcjũ ijire”, tiquina niñe queoyere ño peoyequina, numia mehna ñano yeyequina, ʘm̄na mehna ñano yeyequina numia, ʘm̄na sehsaro tiquina paḡari mehna ñano yeyequina, numia sehsaro tiquina paḡari mehna ñano yeyequina numia, ¹⁰ ni meho ehmañequina, apequina yere tutuaro cahmeñequina, queheyequina, masare ñano tuhtiyequina, yaqueyequina, ne Cohãcjũ p̄htoro ijirop̄re ʘhm̄sep̄re waha masiedare.

¹¹ Panop̄re m̄sa ḡh̄ sa yerina ijimedi. Sa yemedina m̄sa ijiepegũta yojop̄re m̄sa ñano yerire cose tuhasari Jesucristo pehe. Sa tiquiro cosenohrina m̄sa ijigũ tiquiro yequina ijiatĩnare yeri Cohãcjũ m̄sare. Sa yero “Quehnoana ijire”, ni ihñare m̄sare tiquiro. Sata yere m̄sare mari p̄htoro Jesucristo, Esp̄ritu Santo ḡh̄ tiquina tutuaye mehna.

Mari paḡari Cristo ye paḡari ijire

¹² “Ȳh̄ cahmeno saha ye masiaja ȳh̄”, nine ihquẽquina. Sata ijire. Ȳh̄ ḡh̄ sa nidiḡh̄ ijiepegũta tire yeḡ apequinare yedohoriḡh̄ ijieraboaga ȳh̄. Ȳh̄ cahmeno saha ye masiaja. Sa ye masiepegũta ihquẽ tahari sa yeḡ ijiḡh̄ duhu masiedaboaga ȳh̄. Sa yeḡ tire pari turi yesi ȳh̄, “Duhu masiedaboaga”, niḡh̄. ¹³ Ohõ saha

nine m̄sa: “Ijipihtiye ihyaye mari paa cjẽ ijia*t*i ijire. Sa yero mari paa ihyaye pose tiati paa ijire”, nine m̄sa. Ti ijirota ijire. Sa ijieperota came Cohãcjũ pehe mari ihyayere mari paa gũhure pihtia wahagũ yerota. Sa ye mari ihyaye ihyo warota ijiro nine. Ihyaye mari paa cjẽ ijia*t*i ijire. Sa ijieperota mari paguri numia mehna ñano yeati paguri ijierare. Mari paguri pehe mari pãhtoro Cristo ye paguri ijiye nine. Sa yero mari pãhtoro pehe mari pagurire quehnoano yeatiquiro ijire. ¹⁴ Sa yero Cohãcjũ tiquiro tutuaye mehna mari pãhtoro Cristore masoahye. Sa tiquiro yeriro sahata mari gũhure masonota tiquiro.

¹⁵ ¿Sa yena m̄sa paguri Cristo ye paguri ijigũ masiedajari m̄sa? ¿Ti sa ijigũ Cristo ya pagu mehna w̄ana tiricoro mehna mari ñano yegũ quehnoajari? Quehnoaedare. ¹⁶ W̄ana tiri-corore ñeheniquiro tiquiro pagu pehe ticoro ya pagu mehna ijiro, ihcã pagu yero saha ijire. ¿Tire masiedajari m̄sa? Sata ni ojoahye Cohãcjũ yere tiquina ojoari pũpũ: “Tiquina p̄aro ijiepet*a* ihcã pagu yero saha wahare”, ni ojoahye. ¹⁷ Mari pãhtoro Jesu tiquiro yaquiro mas̄no mehna ijiro nine. Sa yero mas̄no mari pãhtoro mehna p̄aro ijiepet*a* ihcã pagu yero saha ijire.

¹⁸ Sa yena w̄ana tieracãhña. Tire m̄sa yabiro saha tire yeracãhña. Apeye ñañene mari yena mari pagure dojomehnedaja. W̄ana tiriquiro pehe tiquiro pagure ñano dojomehnene. ¹⁹ Espiritu Santore marine oho*r*i Cohãcjũ. Sa yero mari paguri mehna ijire Espiritu Santo. ¿Tire masiedajari m̄sa? Sa ye m̄sa paguri, m̄sa jeripohnari gũh̄ m̄sa ye waro ijierare. ²⁰ M̄sa ñañe buhirire

buhiri dahre tuhasari Cristore. Sa yena tiquiro yequina waro ijire m̄sa. Tiquiro yequina ijina m̄sa paguri mehna Cohãcjũ tiquiro cahmeno sahata yeya. Sa yena Cohãcjũre ño peona nine m̄sa. Sa yena apequina gũhure tiquirore ño peogũ yena nine.

7

Namo tiyere yahuahye Pablo

¹ Yojoꝝure yũhure m̄sa sinitu ojoarire yũhũ gũhũ yũhti cahmegũ tagũ niaja: Masũno namo tieragũ quehnoare, yũhũ ihñagũ. ² Ti sa ijiepegũta apequina ẽm̄na pehe namo tiahro apequina numia mehna tiquina “Ñano yeari”, niñe. Sa ye ihquẽ numiata manũ tiahro apequina mehna tiquina “Ñano yeari”, niñe. ³⁻⁴ Manũ tiricoro pagũ ticoro ya pagũ dihita ijierare. Ticoro manũno ya pagũ gũhũ ijire. Ticoro manũno gũhũ tiquiro pagũ tiquiro ya pagũ dihita ijierare. Tiquiro namono ya pagũ gũhũ ijire. Sa yena m̄sa ẽm̄na pehe m̄sa namosãnumiare quehnoano c̄oꝝya. Sa yena m̄sa numia gũhũ m̄sa manũsum̄are “Yũhũ pagure pihercãhña”, niedacãhña. ⁵ Sa ijiepegũta Cohãcjũre p̄aro m̄sa sini duana “Meheñe decorigã yũhũ mehna ijieracãhña. Cohãcjũre siniihna”, ihcãno mehna sa nina, sa ye masine m̄sa. M̄sa sa nidi bato m̄sa iji m̄htariro saha ijiducuya tja, Satana m̄sare “Ñano ye dutiari”, nina. “Apequina mehna ñano yeboaga”, nina, m̄sa basi piti ti duhueracãhña. M̄sa iji m̄htariro saha ijiducuya tja.

⁶ Ahrire m̄sare yojoꝝũ yũhũ nidire nigũ m̄sare dutiye waro mehna niedaja. Sa yahugũ niaja m̄sa

yeatire m̄sa masiatire. ⁷ Ijipihtina m̄sa ȳh̄h̄ yero saha namo tiena m̄sa ijiḡũ quehnoaboaga ȳh̄h̄re. Sa iji duepenata mari ijipihtina ihcãno saha ijieraja. Ihquẽquinare namo ti dutire Cohãcjã. Sa yero tiquiro ihquẽquinare namo ti dutierare.

⁸ Sa yeḡh̄ namo marienare, man̄h̄ marienare, wape wiha numia ḡh̄h̄re ohõ saha niaja m̄sare: Namoma mariena, man̄h̄ mariena iji masina, sata iji cãh̄ña ȳh̄h̄ yero saha. ⁹ Sa iji masiedana tutuaro ñañene cahmena, namo tiya. Sa yena man̄h̄ tiya. Ñañene m̄sa tutuaro cahmeḡũ quehnoaedare m̄sare. M̄sa sa tutuaro cahmeḡũ m̄sa namo tiḡũ p̄rita quehnoar̄ine. Sa yena m̄sa man̄h̄ tiḡũ ḡh̄h̄re quehnoar̄ine.

¹⁰ M̄sa namo tinare, man̄h̄ tina numiare ohõ saha dutiaja. Ȳh̄h̄ sa niepeḡãta yee dutiye waro ijierare ahri. Mari p̄htoro Cristo ahrire dutire: M̄sa numia pehe m̄sa man̄h̄s̄m̄h̄re cohãedacãh̄ña. ¹¹ M̄sa man̄h̄s̄m̄h̄re cohãna, man̄h̄ mariena numia tojoaya. Sa tojoerana pari turi m̄sa man̄h̄s̄m̄h̄a mehna quehnoano ijiya tja. Sa yena m̄sa ḡh̄h̄ ̄m̄h̄a m̄sa namosãnumiare cohãedacãh̄ña.

¹² Sa yeḡh̄ m̄sa ḡh̄h̄re apeq̄uinare ohõ saha niaja ȳh̄h̄. Mari p̄htoro tiquiro dutiye ijierare ahri. Ȳh̄h̄ pehe ohõ saha niaja m̄sare: Ihquẽquina m̄sa mehna cjẽna Jesu yequina pehe Jesure cahmeeñequina numiare namo tiriquina ijire. Sa ye tiquina namosãnumia tiquina mehna tojoa duaḡũ tiquina numiare cohãedacãh̄do tiquina. ¹³ Sa ye ihquẽquina m̄sa mehna cjẽna numia Jesu yequina numia Jesure cahmeeñequinare man̄h̄ tiriquina numia

m̄sare tiq̄iuro iji dutiriro sahata yeya. Sa yena Cohãcjũ m̄sare tiq̄iuro c̄ũrire yeya m̄sa. Tire ijipihtiyequina Jesu yequinare sa ye dutiducuaaja ȳh̄h̄. ¹⁸ Jesu yequina m̄sa ijiato pano cuhnucun̄h̄ sohtoa cahserogãre ȳh̄re nena ijina, tire ihña yabieracãhña. Sa yena Jesu yequina m̄sa ijiato pano cuhnucun̄h̄ sohtoa cahserogãre ȳh̄re nedarina ijina yojop̄h̄ gãh̄re sata ijiducuya. ¹⁹ Yojop̄h̄re ti cahserogãre ȳh̄re nedina m̄sa ijigũ d̄h̄seati ijierare. Tire yerarina m̄sa ijigũ gãh̄re d̄h̄seati ijierare. Sa ijiepegũta Cohãcjũ dutiyere mari yegũ ti p̄ũrita ihyo waro ijierare. ²⁰ Sa yena Cohãcjũ Jesu yequina m̄sare tiq̄iuro c̄ũri p̄je m̄sa ijiriro sahata tojoaya. ²¹ Jesu yaq̄iuro m̄h̄h̄ iji d̄ucato pano apeq̄iuro cahacjũ m̄h̄h̄ ijigũ quehnoanota. Sata tojoaya. M̄h̄h̄ p̄h̄toro m̄h̄re tiq̄iuro wio duagũ pehere wijiaya m̄h̄h̄. M̄h̄h̄ wijiagũ quehnoanota m̄h̄re. ²² Sa yero mari p̄h̄toro Jesu yaq̄iuro ihcãq̄iuro ijiro mas̄no cahacjãno ijieperota Jesu tiq̄iuro ȳhd̄h̄oriquiro ijire. Sata apeq̄iuro mari p̄h̄toro Jesu yaq̄iuro ijiro, mas̄no cahacjãno ijieraperota Jesu cahacjãno ijire tiq̄iuro gãh̄h̄. ²³ Mari ñañe buhirire buhiri ti tuhasahye Cristo. Sa yena tiq̄iuro dihitare potota m̄sa p̄h̄toro waro t̄hotuya m̄sa. Apequina m̄sare tire tiquina ye dutieragũ tiquinare t̄hoeracãhña. ²⁴ Sa yena ȳh̄h̄ acaye, Jesu yequina ijiatiquina Cohãcjũ m̄sare tiq̄iuro c̄ũri p̄je m̄sa ijiriro sahata tojoaya. Sa tojoana Cohãcjũ mehna cjãna ijiya.

²⁵ Yojop̄h̄re namo marienare, man̄h̄ mariena numia gãh̄re yahu duaja m̄sare. Mari p̄h̄toro ahrire “Ohõ saha niña”, niedare ȳh̄re. Ȳh̄re

tiquiro paja ihñagũ yũhũre tiquiro yedohogũ tiquiro cahmeno sahata yeducurigũ ijiaja yũhũ. Sa ijirigũ ijigũ ahrire quehnoano yahutja mũsare. ²⁶ Yojopũre mũsa ñano yũhdũna niaga. Sa yena mũsa namo mariena gũhũ, manũ mariena gũhũ mũsa tojoagũ quehnoanota, yũhũ tũhotugũ. ²⁷ Namu mariena, manũ mariena numia mũsa ijina sata tojoaya. Sa yena mũsa pehe namo tina, manũ tina numia gũhũ sata tojoaya. ²⁸ Namu tina ñano yerare mũsa. Sa yena mũsa nuhmia manũ tina, ñano yerare mũsa gũhũ. Sa yena namo tina, manũ tina numia mũsare wape cũoro tojoarota. Sa yegũ mũsare “Sa wape tiari”, nigũ “Namu mariena, manũ mariena numia tojoaya”, niaja yũhũ.

²⁹ Yũhũ acaye, ahrire mũsare yahugũ niaja. Cristo ahri yehpapũ tiquiro tojoa tato mehenogã dũhsare. Sa ye yojopũre namo marieñequina Cohãcjũ cahmeno saha tiquina quehnoano ye masino sahata quehnoano yero cahmene namo tiyequina gũhũre. Sa ye manũ tiyequina numia gũhũre sata Cohãcjũ tiquiro cahmeno saha quehnoano yero cahmene. ³⁰⁻³¹ Ahri yehpa yojopũ ijiro saha camerũ ijisi. Camesa pihtia waharota. Sa pihtiatu yehpa ijigũ yojopũre mari ñehe quea utiye, mari bucueye, mari cũoye pihtia waharota. Sa ye ti ihyo waro ijire. Cohãcjũ yere yeye pehe ihyo waro ijierare. Sa ye ahri yehpa cjẽne cũoyequina, cũoyequina yero saha ijiahro. Ahri yehpa cjẽne pajiro tũhotueraro cahmene. Ahri yehpa yojopũ ijiri yehpa camesa pihtia waharota.

³² Mũsa ñano yũhdũeragũ cahmeaja yũhũ. Sa yegũ mũsa pajiro mũsa tũhotueragũ gũhũre cah-

meaja. Namō mariediquiro Jesu yaquiro ijiro Jesu yere wacũducure. Sa wacũducuro Jesu cahmeñene tutuaro ye duare. ³³ Namō tiriquire pehe tiquiro namono cahmeñe pehere tutuaro ye duare. Sa yero ahri yehpa cjẽne pajiro tãhoture. ³⁴ Sa yero tiquiro pũarore ye duare. Jesu cahmeñene, tiquiro namono cahmeñe gũhũre tiquiro ye duare. Sa yero bũcũoro manũ mariedicoro ijiro, ticoro mari pũhtoro Jesu cahmeñene tutuaro ye duare. Nuhmino gũhũ sata ye duare. Sa ye duaro ticoro tutuaro Cohãcjũ yacoro iji duare. Manũ tiricoro pehe ahri yehpa cjẽ pehere ticoro manũno cahmeñe pehere tutuaro ye duare. Sa yero ahri yehpa cjẽne pajiro tãhoture.

³⁵ Ahrire mũsare nii niaja mũsare yedohogũ tagũ. Tutuaro dutiyere mũsare cũ dueraja. Sa cũ duerapegũta quehnoano mũsa yegũ cahmeaja. Sa yegũ Jesu mari pũhtoro yere mũsa tutuaro ye duagũ cahmeaja yãhũ.

³⁶ Mũsa mehna cjãno tiquiro cahmedicoro bũcũoro wahagũ ihñano ticorore namo tiahro. “Sata yero cahmene”, ni tãhoturo, namo tiahro. Sa yero ticorore namo tiro ñano yero niedare.

³⁷ Apequiro pehe tiquiro cahmedicorore “Yũhũre namo tiro cahmene”, ni dueraro, tiquiro cahmediro sahata yeahro. Tiquiro namo ti dueragũ, quehnoanota. Quehnoano yero nine. ³⁸ Sa yero tiquiro cahmedicorore namo tiriquire gũhũ quehnoano yere. Sa yero yojopũre ticorore namo tieriquiro pehe apequiro yũhdũoro quehnoano yere.

³⁹ Manũ tiricorore ticoro manũnore cohã dutierapegũta. Tiquiro sa cohã dutierapegũta

ticoro manano tiquiro yariari bato ticoro apequiro mehna ticoro cahmediquiro mehna manu ti masine. Ticoro manu tiriquire Jesu yaquiro ijiro cahmene tiquirore. ⁴⁰ Ticoro manu mariedicoro tojoaro, manu tiricoro yuhduoro quehnoano bucuericoro ijirota ticoro. Sata ni tūhotuaja yuhū pehe. Cohācjū yaquiro Espiritu Santore cūogū iji-aja. Yuhū sa cūogū ijigū masina, ahri yuhū yahurire masiña mūsa.

8

“Cohācjū ijire”, tiquina niñe queoyere ño peo, ihyayere duhu peoahye masa. Ti ihyayere yahuahye Pablo

¹Yojoapure “Cohācjū ijire”, tiquina niñe queoyere ño peo, tiquina duhu peori ihyayere yahu du-aja. Ijipihtina mūsa ti borore “Masiaja”, ni tūhoture mūsa. Sa ni tūhotuna “Apequinare masi yuhducaja”, ni tūhotumene mūsa. Sa ni tūhotuna apequinare yedohoerare mūsa. Apequinare cahīna tiquinare yedohore mūsa. Sa ye masiñe yuhduoro apequinare cahīne pehe ihyo waro ijierare. ²“Masi peho cjā”, nina ijina, Cohācjū quehnoañene tiquiro masi dutiyere masiedarīaga mūsa. ³Sa ijiepegūta Cohācjūre mūsa cahīgū mū sare masine tiquiro. Sa yena tiquiro yequina ijire mūsa.

⁴“Cohācjū ijire”, tiquina niñe queoyere ño peo, tiquina ihyayere duhu peore. Ti ihyayere mū sare yahutja: Ti queoye ne dūhseati ijierare. Potota ti queoye jeripohna mariedare. Cohācjū pehe ihcāquirota ijire. Apequina cohāmana mariedare. Ahrire masiaja mari. ⁵⁻⁶“Peyequina cohāmana

ijire. Tiquina mari p̄h̄toa ijire”, ni t̄hotumene masa. Sa yero ʘhm̄sep̄, ahri yehpap̄ ḡh̄ure “Coh̄amana”, tiquina niñequina ijiepeḡta mari pehere ihc̄aquiota ijire Coh̄c̄j̄. Tiquiro mari Pac̄ ijipihtiyere bajumehnediquiro ijire. Sa yero tiquiro yequina ijiatina yeahye tiquiro marine. Sa yero mari p̄h̄toro Jesucristo ihc̄aquiota ijire. Tiquiro ijipihtiyere mari Pac̄ure ye basariquiro ijire. Tiquiro yequina ijiatinare yeahye tiquiro marine. Sa yena tiquiro mehna sa ijiducunata mari.

⁷ Ȳh̄u nidiro saha ijiepeḡta apequina Jesu yequina tire masiedare. Panop̄ tiquina “Coh̄c̄j̄ ijire”, tiquina niñe queoyere “Catiyequina ijire”, ni t̄hotuducumahye. Ti p̄ep̄are sa yeriquina ijiye yojop̄ ḡh̄ure ti queoyere ño peo, tiquina duhu peo ihyayere “Coh̄amana ye ihyaye ijire”, ni t̄hotumene. Sa ye ti ihyayere ihyaye, “Mari ñano yena niaja”, ni t̄hotumene. Tire tiquina yerire quehnoano masiedaye, sa ni t̄hotumene.

⁸ Ti ihyayere mari ihyaḡ mari ihyeraḡ ḡh̄ure Coh̄c̄j̄ marine “Quehnoañequina ijire”, ni ih̄nedare. Sa ye ti ihyayere mari ihyaḡ ihyo warota iji c̄h̄no nine ti ihyaye. Mari tire ihyana ñano yeraja. Ti ihyayere mari ihyeraḡ ḡh̄ure ihyo warota iji c̄h̄no nine. Mari ihyerana apequina ȳh̄d̄oro quehnoana ijieraja mari ḡh̄u. ⁹⁻¹⁰ Sa ijiepeḡta quehnoano yeya m̄sa. Ti ihyayere ihyarina m̄sa ijiḡ apequina m̄sare “Masiaja”, ninare ih̄na c̄u ihyaboaga. Sa ih̄na c̄u ihyaye tiquina yerire quehnoano masiedaye, “Ñano yena niaja mari”, ni t̄hotueta tiquina ḡh̄u. Tiquina sa ni t̄hotuḡ tiquina pehere

ñano yegũ yena niaga m̄sa. Sa yena quehnoano yeya m̄sa. ¹¹ “Mari ti ihyayere mari ihyagũ quehnoanota marine”, m̄sa ni t̄hotuna ijina apequina quehnoano masieñequinare ñano yegũ yeboaga m̄sa, m̄sare tiquina ihña c̄gũ. Sa yeriquina ye ijiati ḡh̄re yariahye Cristo. Sa yena Cristo yequinare m̄sa acayere ñano yegũ yena niboaga m̄sa. ¹² Quehnoano masieñequinare Cristo yequinare m̄sa ñano yegũ yena, Cristo ḡh̄re ñano yena nine m̄sa. ¹³ Sa yegũ ti queoyere ño peo, tiquina duhu peo ihyayere yahũ ihyagũ Cristo yequinare ñano yegũ yegũ niboaga yahũ. Jesu yequina ñano yegũ cahmedaja. Sa yegũ “Yahũ tiquinare ñano yegũ yeari”, nigũ ti ihyayere ne pari turi ihyasi yahũ.

9

Pablo Jesu c̄riquiuro tiquiuro ijiyere yahuahye

¹ Jesu tiquiuro yere buhe dutiro c̄rigũ ijiaja. Sa yegũ apequina tiquiuro c̄riquina tiquina yero saha ye masiaja yahũ ḡh̄. Jesu c̄rigũta ijiaja yahũ ḡh̄. Mari p̄h̄toro Jesure ihñarigũta ijiaja yahũ. Sa yena Jesu yere yahũ buhegũ m̄sa pehe tire quehnoano t̄hona tiquiuro yequina wahare m̄sa. Sa yena Jesu c̄rigũ yahũ ijiyere masi tuhasare m̄sa. ² Apequina yah̄re yahu wajaye “Jesu c̄riquiuro ijierare”, niboaga. Tiquina sa niepegũta m̄sare yahũ buheri bato Jesu yequina wahana, “Jesu c̄riquiuro ijire”, ni, yah̄re masi tuhasare m̄sa. Sa yena apequina yahu wajaep̄gũta m̄sa pehe tiquiuro c̄rigũ yahũ ijiye tiyere masine.

³ Yũhũre yahu wajayequinare ohõ saha ni yũhtiitja. ⁴ Mũsare yũhũ buheri bato yũhũ ihyatire yũhũ sihniati gãhũre yũhũre ohoro cahmene mũsare. ⁵ ¿Sa yegũ namo tigũ ijigũ yũhũ namono Jesu yacoro ticoro ijigũ ticoro mehna tini masiedaboagari yũhũ? Apequina Jesu cũriquina, Jesu bahana, Pedro gãhũ tiquina namosãnumia mehna tiquina tinidiro sahata yũhũ gãhũ tini masiboaga. Yũhũ sa tinigũ yũhũ namo tigũ ijigũ ticoro gãhũre ihyayere ohoboaga mũsa. ⁶ Yũhũ Bernabé mehna mũsare quehnoañe buheyere usã buhepegũta usãre ne apee borogã ohoerari mũsa. Sa yena usã basita usã ihyatire dahra wapataũ usã. ¿Usã dihitare wapataro marieno buhero cahmeajari, mũsa tũhotugũ? ¿Usã sa buhena ap-eye dahraye pehere duhu masiedaboagari usã? ⁷ Ahriquina yũhũ queoye mehna yahuatiquina pehe tiquina dahrari wapa wapatare. Ihcãquiro surara dahragũ tiquiro pũhtoa tiquirore wapa yere. Tiquiro basi wapa yerare. Ihyayere oteriquiro gãhũ tiquiro oteri dũca tigũ tireta ihya masine. Sa yero wapatare tiquiro. Sa yero ovejare ihña ihboriquiro tiquiro nuñequina epẽcore sihni masine tiquiro. Sa yero wapatare tiquiro gãhũ. ⁸ “Tiquina dahrari wapare wapa yero cahmene”, nigũ masa tiquina dutiye dihitare mũsare yahueraja. Cohãcjũ dutiyepũ tiquiro nidi gãhũre mũsare yahugũ niaja. ⁹ Tiquiro dutiyere tiquina ojoari pũpũ ohõ saha ni yahure: “Wecũ trigo pjerire tiquiro dahpocãri mehna suhti weriquiro ihya duagũ tiquiro dũserore cahmotaeracãhña”, niahye Cohãcjũ dutiye. Sa dutiro wecũare nino niedahye. ¹⁰ Sa dutiro marine nino niahye

marine buhero taro. Wesere seheriquiro gũhũ ti dũcare nediquina gũhũ tiquina dahrari bato dũca tiri pje ijigũ tiquina wapatatire cohtere. Sa yena dahrayequinare tiquina dahrari wapore ohoro cahmene marine. ¹¹ Mũsare Cohãcjũ yere quehnoañe buheyere buhei usã. ¿Usã sa buhegũ mũsa pehe usãre ihyayere ohoeraro cahmeajari, mũsa tũhotugũ? Ohoro cahmene. Mũsa ohogũ quehnoaboaga usãre. Sa ijiepegũta mũsa ohoerari usãre. ¹² Sa ohoerapenata apequina ihyayere mũsare sinigũ tiquina pehere ohore mũsa. Tiquina mũsare ihyayere sinigũ tiquina yũhdũoro usã pehe oho dutiboaga mũsare.

Sa oho dutiborina ijiepenata usã pehe “Usãre ohoya” ne niedũ. “Cristo ye buheyere mũsapũ cahmedaboaga” nina, usãre mariedapegũta mũsare ne siniedũ. ¹³ Cohãcjũ wũhũpũ dahrayequina ti wũhũpũta tiquina ihyayere nene. Sa ye Cohãcjũre tiquina ño peori altarpũ cohteyequina wahiquirore tiquina mũjũa mũoriquirore mehenogã ne, ihyari tiquina gũhũ. ¿Tire masiedari mũsa? ¹⁴ Sa tiquina yeriro saha quehnoañe buheyere buheyequinare tiquina buheri wapore tiquina ihyatire tiquinare ohoro cahmene mũsare. Sata ye dutiri mari pũtoro Jesu. ¹⁵ Sa yegũ mũsare siniborigũ ijiepegũta yũhũ ne apee borore siniedũ mũsare. Sa yegũ ahrire yojopũre ojoa ohogũ apee borore wapa cahmegũ tagũ ojoagũ niedaja. Mũsare ne wapa cahme dueraja. Yariacjũ ijiepegũta ne wapa cahmesi yũhũ mũsare. Wapa marieno buhegũ tutuaro bucueaja. Sa yegũ mũsare yũhũ buheri wapa ne wapata ihyasi.

16 Quehnoañe buheyere buhe dutiro yuhure cūri Cohācjū. Tire buheacjūta ijigū niaja yuhū. Quehnoañe buheyere buheragū pejecuogū ijiboaga yuhū. Sa yegū ti buheyere buhegū “Apequinare masi yūhdūducaja”, niacjū ijieraja yuhū. 17 Quehnoañe buheyere yuhū esa tuharo buhegū yuhū buheri wapa wapa neboaga yuhū. Cohācjū yuhure tiquiro yere buhe dutiro cūri yuhure. Sa yegū yuhure tiquiro cūrire yegū niaja. Sa buheacjū ijiaja yuhū. 18 ¿Tiquiro yere sa buhegū yabe borore wapatajari yuhū? Ohō saha ijire yuhū wapataye: Quehnoañe buheyere buhegū mū sare ne apee borore siniedagū wapa marieno ti buheyere buheaja mū sare. Yuhū sa nidire masigū bucueaja. Yuhū bucueyeta ijire yuhū wapataye.

19 Ne masa cahacjū ijierapegūta ijipihtiyequina cahacjū yero saha ijiaja yuhū apequina masa Jesu yequina tiquina wahatire. 20 Sa yegū yuhū acaye judío masa mehna ijigū, tiquina yero saha yeaja yuhū Jesu yequina tiquina wahatire. Cohācjū dutiyere Moisere tiquiro cūrire ño peorigū ijierapegūta, ti dutiye dihitare ño peoyequina mehna ijigū ti dutiyere ño peoriquiro yero saha ijiaja yuhū. Sata yeaja yuhū tiquina Jesu yequina tiquina wahatire. 21 Sa yegū Cristo yaquiro ijigū Cohācjū dutiyere Moisere tiquiro cūrire cohā dueraja. Ti dutiyere cohā duerapegūta ti dutiye marieñequina mehna ijigū ti dutiye marieniquiro yero saha ijiaja. Sata yeaja yuhū Jesu yequina tiquina gūhū wahatire. 22 Jesu yere quehnoano masieñequina mehna ijigū tiquina yero saha ijiaja. “Masi pehogū ijiaja”, niedaja yuhū. Sata yeaja yuhū Jesu yequina tiquina gūhū wahatire. Sa yegū ijipihtiyequina

masa tiquina ijiro saha ijiaja yuh̄u, ihquẽquina Jesu yequina tiquiro yuh̄d̄oriquina tiquina wahatire. ²³ Ahrire yeaja quehnoañe buheyere ijipihtiyequina tiquina t̄hoatire. Yuh̄u sa yegũ ihñano Jesu tiquiro buheriro saha yuh̄u gũh̄ure quehnoano yere. Sa yegũ masa tiquina ijie tiro saha ijiaja.

²⁴ Ohõ saha ijire mari queoye mehna buhegã. Oma cohãpeyequina omañe tiquina ijipihtiyequina omare. Tiquina sa oma pihtiepegãta oma tutuariquiro pehe esa m̄htare. Sa esa m̄htariquiro wapatate. Sa yena tiquina omariro saha m̄usa gũh̄u Cohãcjũ cahmeñene yeya m̄usa wapatatire. ²⁵ Ijipihtiyequina omañequina tiquina paḡure dojomehneñene duhu cã, quehnoano omapore tiquina oma tutuatire. Sa ye tiquina quehnoano omatire queoro ihyaye, queoro carĩne, quehnoano yere tiquina. Sata yere tiquina wapatato saha. Sa ye tiquina wapataye p̄uri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohãcjũ yere quehnoano buheaja tiquiro yere mari wapatato saha. Ti wapataye p̄urita ne ahbaerare. ²⁶ Sa yegũ yuh̄u ape siep̄u omariquiro yero saha yeraja. Sa yegũ cahmequeperiquiro ape siep̄u dote maca cãriquiro yero saha yeraja. Sa yegũ Cristo yere queoro ye duaja. ²⁷ Sa yegũ omapeyequina, cahmequepeyequina gũh̄u tiquina paḡurire tiquina buheriro saha, quehnoano queoro tiquina yeriro saha yuh̄u gũh̄u yuh̄u paḡu mehna quehnoañe dihitare yepoaja. Sa yeragũ apequinare buherigũ yuh̄u ijiepegãta d̄h̄seacjũ ijieraboaga yuh̄u pehe.

10

*“Cohãcjũ ijire”, tiquina niñe queoyere ño peo du-
tierahye Pablo*

¹ Sa yena yũhũ acaye, ahrire masiña mũsa. Ušã Israe masa ñecũsumũa mũna panopũ cjẽna ijipihtiyequina Cohãcjũ ya ehmeo curuare ihña nãũũ tã cãa wahahye. Sa wahaye, aco sohãri mare aco pũa peheri tojoadũcari mahapũ wũa queheri mahapũ tiniñe, pehãa wahahye. ² Sa wahaye, tiquina ijipihtiyequina ehmeo curua mehna aco sohãri ma cjẽ aco mehna Cohãcjũ ye ijiatire wame yenohriquina yero saha wahahye. Wame yenhriina wahana Cristo yequina mari ijiyere ihñona niaja. Sa tiquina aco sohãri mare wame yenohriquina yero saha wahaye, Moise yequina tiquina ijiyere ihñoñe niahye. ³ Sa ye tiquina ijipihtiyequina uhmũse cjẽ ihyayere ihyae tiahye Cohãcjũ tiquiro ohoyere. ⁴ Sa ihyaye tiquina ijipihtiyequina Cohãcjũ ohori aco gũhũre sihnie tiahye. Ti pjepũre ti acore Cohãcjũ cũri utãpũ wi-jiari acore sihnie tiahye tiquina. Tia utã yero saha ijiriquiro, tiquinare aco ohoriquiro Cristo ijiahye. ⁵ Tiquina sa wahariquina ijiepegũta apequina tiquina mehna cjẽna ñano yegũ ihñano Cohãcjũ pehe peyequina tiquina mehna bucuerahye. Sa yero tiquinare masa marienopũ yariagũ yeahye Cohãcjũ.

⁶ Sata yeahye tiquinare Cohãcjũ marine buhero taro. Sa yero tiquinare ihña cũ ñañene mari tu-tuaro cahmedatire Cohãcjũ sa yeahye tiquinare. ⁷ Sa yena “Cohãcjũ ijire”, tiquina niñe queoyere tiquina ño peoriro saha yeracãhña mũsa. Ti

queoyere tiquina ño peorire Cohãcjũ yere tiquina ojoari pũpũ yahuro ohõ saha niahye: “Tiquina ihya duji sihni tuhasa, wahcãdũca, bose deco ye dũcahye wecũ queoyere ño peoye tehe”, ni ojoahye panopũre. ⁸ Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa yariaa wahahye. ⁹ Apequina Israe masa Cohãcjũre tiquina mehna usuagũ yeahye. “Marine buhiri dahresi”, niñe Cohãcjũre tuhtiahye. Sa tuhtiyeh tiquiroro usuagũ yeahye. Tiquina sa yeri buhiri Cohãcjũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña mũsa. ¹⁰ Apequina Cohãcjũre unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

¹¹ Sa wejẽ dutiahye tiquinare Cohãcjũ marine buhero taro. Mari pehe pihhiri deco panogã ijina ijiaja. Mari sa ijina ijigũ panopũ cjẽna tiquina sa waharire Cohãcjũ oja dutiahye marine quehnoano buhero taro. ¹² Sa yena “Quehnoana ijiaja, Cohãcjũ tiquiro ihñagũ”, ni tũhotu, quehnoano yeya mũsa “Ñañene yeari”, nina. ¹³ Mari ijipihtina ihcãquiro dũhsaro marieno ihquẽ tahari ñañene wacũaja. Sa wacũna ti ñañene ye duaja. Mari sa ye duepegũta Cohãcjũ marine yedohoducuriquiro ijire. Sa yero ti ñañe wacũñene mari bõ masiedagũ tiquiro pehe marine yedohorota. Sa yero ti ñañene mari ye duagũ ihñano Cohãcjũ ti ñañene marine ye dueragũ yerota. Tiquiro sa yegũ ti ñañene ye duasi mari.

14 Sa yena yuhu cahña yuhure tuhoya. “Cohãcjũ ijire”, tiquina niñe queoyere ne ño peoeracãhña.

15 MUSA quehnoano masina ijigũ musare yahuaja. Sa yena yuhu niato poto ijigũ masiña musa basi.

16 Cristore tiquina ñehedi ñamine vinore tiquiroyo sihniato pano Cohãcjũre “Quehnoare”, niahye. Tiquiroyo nidiroyo saha mari gũhu ti vinore sihniato Cohãcjũre “Quehnoare”, nina, mari ye buhiri Cristo tiquiroyo yariarire masigũ yena niaja. Tiquiroyo dii wijiariyere masigũ yena niaja. Sa yena tiquiroyo yequina mari ijiye gũhure masigũ yena niaja mari. Sa yena pãre mari Cristo yequina nuhana mari ye ijiatire tiquiroyo pagu curusapu tiquiroyo yariarire masigũ yena niaja. Sa yena tiquiroyo yequina mari ijiye tiye gũhure masigũ yena niaja. 17 Sa yena peyequina masa ijiepenata ihcãria pãgãre ihyana, ijiipihtina mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

18 Israe masa tiquina yerire wacũña musa: Tiquina wahiquireyore wejẽñe, ujũa muo, ohoye, Cohãcjũre ño peore. Sa tiquina ohori bato ihcã curuata tiquina ohoriquireyore ihyare. Sa ihyaye Cohãcjũ yequina tiquina ijiye tiyere masigũ yere tiquina. 19 Ohõ sahata nii niaja musare: “Cohãcjũ ijire”, tiquina niñe queoye duhseati ijierare. Sa yero queoyere ño peo tiquina duhu peoye ihyaye pehe ihyo warota ijiroyo nine. Ti ihyaye marine sijoro saha wahagũ yerare. 20 Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquireyore wejẽ, ujũa muo, Cohãcjũre ño peoye niedare. Sa ye queoyere ño peoye watia pehere ño peore tiquina. Tiquina sa ño peoyequina

ijigũ tiquina mehna ihyana watĩno yequina yero saha yena niaga m̄sa. M̄sa sa yegũ pũritare ne cahmedaja. ²¹ Santa cenare mari yeri deco mari pũhtoro Jesure wacũna tana sihniaja. Mari sa sihnina, watĩno ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watĩa ye pehere ihya masiedaja mari. ²² ¿Jesure m̄sa mehna usuagũ ye duajari m̄sa? ¿Tiquiro yahdũoro tutuana ijiajari m̄sa? Ijierare m̄sa. Sa yena quehnoano yeya m̄sa.

Cohãcjũ cahmeñe dihitare yeya

²³ M̄sa yeri ñañe ijierapegũta tire yena apequinare yedohoeraboaga m̄sa. Sa yena tire yena Jesure wacũ tutua nemogũ yeraboaga m̄sa apequinare. ²⁴ M̄sa cahmeñe dihitare yeracãhña. Apequina pehere quehnoano yedohoya m̄sa.

²⁵⁻²⁶ Ihyaye duaropũre ihyayere dúna “¿Ahri ihyaye cohãmana queoye cahapũ tiquina duhu peori ihyaye ijiajari?” ni, sinitueracãhña. “Ñañene yeari”, nina, sinituboaga m̄sa. Sa ni sinitueracãhña. Ahri yehpa, ahri yehpapũ ijiye gũhũ Cohãcjũ ye ijire. Sa yena ti ihyayere “¿Ñañe ihyaye ijiajari?” niedacãhña.

²⁷ Jesure cahmeediquiro m̄sare ihya dutiro tiquiro pijiogũ waha duana wahaya. Sa waha m̄sare tiquiro duhu peoyere ihyaya. “¿Ahri ihyaye Cohãcjũ queoye cahapũ tiquina duhu peori ihyaye ijiajari?” ni, sinitueracãhña. ²⁸ Sa yena apequiro Jesu yaquiro “Ahri ihyaye Cohãcjũ queoyere tiquina duhu peori ihyaye ijire”, m̄sare tiquiro ni yahugũ ti ihyaye pũritare ihyeracãhña. M̄sare sa ni yahuriquiro “Ñañe ihyayere ihyare

ahriquina”, musare tiquiro ni t̄hotueratire ihyeracãhña. ²⁹ Sa ihya dutierag̃u musa pehere yedohog̃u tag̃u sa niedu. Musare ahrire yahuriquiro pehere yedohog̃u tag̃u sa ihya dutieraja. Tiquiro pehe musare “Ñañe ihyayere ihyare ahriquina”, niboaga. “Sa niari”, nina ti ihyayere ihyeracãhña.

“Ihyeracãhña”, yuh̃u nig̃u ohõ saha ni sinitu yuh̃tiboaga musa yuh̃ure: “¿Duhse ijiro boro apequiore ‘Sijoro saha wacũari’ ”, nina ihyeraboagari usã? ³⁰ “¿Ti queoyere ohori ihyayere usã ihyag̃u Cohãcjũ warore ‘Quehnoare’, usã niepeg̃ta duhsero tire usã ihyari buhiri apequiro usãre yahu wajaboagari?” ni sinitu yuh̃tiboaga musa yuh̃ure. ³¹ Ahri ijipihtiyere yahug̃u ohõ saha nig̃u niaja musare: Decoripe Cohãcjũ tiquiro dutiriro sahata bucueye mehna ihya, sihniaja, Cohãcjũre masa tiquina ño peoatire. Sa yena ijipihtiyere quehnoano yeducuya Cohãcjũre masa tiquina ño peoatire. ³² Ne judio masare, judio masa ijieyequinare, Cohãcjũ yequina g̃uh̃ure ñano yeg̃u yeracãhña musa tiquinare. ³³ Ohõ saha yeaja yuh̃u pehe. Masa ijipihtiyequinare yedoho duaja. Sa yeg̃u yee ijia ti pehere pajiro t̄hotueraja. Yuh̃u ñano yuh̃dug̃u quehnoanota. Masa pehere yedohoaja tiquinare pecap̃u wahaboriquinare Cohãcjũ tiquiro yuh̃d̄oatire.

11

¹ Sa yena Cristore yuh̃u ihña cũriro sahata musa g̃uh̃u yuh̃ure ihña cũña.

Corinto cjēna cahmecoanopꞤ numia tiquina yeatire yahuahye

² Mꞥsare yꞥhꞥ buhe turiarire wacũ pehoñohti mꞥsa. Sa wacũna mꞥsare yꞥhꞥ nidire yꞥhꞥ ye dutiriro saha yeñohti mꞥsa. Sa yena quehnoano yere mꞥsa. ³ Sa yena mꞥsa ijiepegũta ahri gũhꞥre mꞥsa masigũ cahmeaja: Ijipihtiyequina ꞥmꞥa tiquina pꞥhtoro, Cristo ijire. Sa yero tiquiro namono pꞥhtoro ijire ticoro manꞥno. Sa yero Cristo pꞥhtoro tiquiro Pacꞥro ijire. ⁴ Cohãcjũre sinidiquiro tiquiro dapure mohariquiro sinino, tiquiro basi pꞥhtoro ijiyere wijiario nine. Cohãcjũ yere yahuriquiro gũhꞥ tiquiro dapure mohano, sata yero nine tiquiro gũhꞥ. ⁵ Sa yero ticoro dapure moheno Cohãcjũre sinino, ticoro manꞥno pꞥhtoro ijiyere wijiagũ yero nine. Cohãcjũ yere yahuricoro gũhꞥ ticoro dapure moheno, sata yero nine ticoro gũhꞥ. Sa yero ticoro poarire wꞥhari pꞥjĩ mehna wꞥha pehoricoro yero saha yere ticoro. ⁶ Ticoro dapure moha dueraro ticoro poarire se peho cã dutiahro. Ticoro sa yeri bato ticoro dapure bꞥe tiro, ticoro mohaahdo ticoro dapure. ⁷ ꞥmꞥa pehe Cohãcjũ yero saha pꞥhtoa ijire. Sa ye Cohãcjũ quehnoariquiro, tutuariquiro tiquiro ijiye tiyere ihñore tiquina pehe. Sa ye tiquina dapure moheñequinata ijiahro. Numia pehe ꞥmꞥa tiquina pꞥhtoa ijiye tiyere ihñore. Sa yeye tiquina dapure mohaahdo. ⁸ Cohãcjũ ꞥmꞥnore yero, numino ya pagꞥ cjē mehna ꞥmꞥnore yerahye. Numino pehere yero, ꞥmꞥno ya pagꞥ cjē mehna yeahye ticorore. ⁹ Sa yero ꞥmꞥnore yero, numino yaquiro ijiatiquirore yerahye. Numino

pehere yero amano yacoro ijaticorore yeahye Cohãcjũ ticorore. ¹⁰ Sa ye numia tiquina dapure mohaahdo angele gãhũ tiquina ihña bucueatire. Sa mohañe amua tiquina pũtoa tiquina ijiyere ihñoñe nine. ¹¹⁻¹² Cohãcjũ numinore yero, amano pagũ cjẽ mehna yeahye. Sata yojopare amano masa bajuaro, numino pagũpũ masa bajuare. Sa yero ijipihtiyequinare Cohãcjũ pehe yeahye. Sa yero amano tiquiro iji mũhtaedagũ numino mariedaboaga. Sa ye numino ticoro mariedagũ amano gãhũ mariedaboaga. Sa ye tiquina amua numia gãhũ tiquina basi cahme yedohore masa putiatire. Sa yero ijipihtiyequinare ijiatiquinare bajumehnediquiro ijire Cohãcjũ.

¹³ ¿Musa basi dahse ni tũhotuajari? ¿Numino ticoro dapu mohedico, Cohãcjũre ticoro sinigũ quehnoajari, musa tũhotugũ? Ne quehnoaedare.

¹⁴ Sa yero amano poa nahmo cõricuhiro tiquiro ijigũ ñarĩne. Ijipihtiyequina masa tire masine.

¹⁵ Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cõricoro ijiro quehnoaricoro bajure ticoro. Ti gãhũre ijipihtiyequina masine.

¹⁶ Musa mehna cjãno ahrire yũhũ yahurire tiquiro cahmedagũ, ohõ saha ni yahutja tiquirore: “Yũhũ ni yahuriro saha yeducuaja mari. Apequina Jesu yequina gãhũ sata yere tiquina gãhũ. Usã sa yerina ijigũ ihñagũ yũhũ ni yahuriro saha yero cahmene mũhũ gãhũre”, ni yahutja yũhũ yahurire cahmeediquirore.

*Santa cenare tiquina ihyari watoa
dojomehneahye Corinto cjẽna*

17 Yojoꝛꝝre mꝛsare ahrire yahugꝛ tꝛꝛ, “Quehnoano yena ijire”, niedaja yꝛꝛ mꝛsare. Mꝛsa cahmecoana quehnoano yerare. Ñano yere mꝛsa. 18 Ohõ saha ni yahu mꝛhtaꝛtja mꝛsare: Mꝛsa cahmecoanopꝛ cahme dꝛse tutuana mꝛsa basi ihquẽ cururi tu wana niñohiti mꝛsa. Apequina tire yꝛꝛre tiquina yahugꝛ “Potota ijiaga”, ni tꝛhotuaja yꝛꝛ. 19 Sata yere mꝛsa. Sa yena ohõ saha ni tꝛhotumene mꝛsa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni tꝛhotumene mꝛsa. 20 Mꝛsa basi sa cahme ihña tuhtina, mꝛsa ihcãnopꝛ cahmecoa ihyana quehnoano yerare. Potota Santa cena waro yena niedare. 21 Mꝛsa cahmecoana ihquẽquina mꝛsa sehsaro ihya mꝛhtana, apequina pehere ꝑꝛa ahbagꝛ yere. Sa ye sihni mꝛhtana quehea wahare. 22 ¿Mꝛsare mꝛsa ihyaye wꝛꝛse mariedajari? ¿Mꝛsare mꝛsa sihniñe wꝛꝛse mariedajari? Ti wꝛꝛsepꝛta ihya, sihniña. Yojoꝛꝝre Cohãcjũ yequina tiquina cahmecoanore dojomehnena niaga mꝛsa. Sa yena apequina Jesu yequina pejeꝛoyequinare ihyaye marieñequina pehere mꝛsa pehe bꝛoro yꝛhdꝛgꝛ yere. ¿Dꝛhse ni yahugꝛtari yꝛꝛ mꝛsare? “Quehnoano yerare mꝛsa”, niaja yꝛꝛ.

*Santa cenare ihyarire yahuahye Pablo
(Mt 26.26-29; Mr 14.22-25; Lc 22.14-20)*

23 Mari pꝛhtoro Jesu tiquiro ihya bato tirire yahuri yꝛꝛre. Sa tiquiro yahuri bato yꝛꝛ pehe mꝛsare tire yahuu. Ti ohõ saha ijire: Tiquirore ihña tuhtiyequinare Juda tiquiro ihñoati ñamine

mari puhtoro Jesucristo pãre ne, ²⁴ Cohãcjũre “Quehnoare”, niñohti. Tiquiro sa nidi bato ti pãre nuha, tiquiro buheyequinare itiñohti. Sa itiro ohõ saha niñohti: “Ahrire ihyaya. Ahri yũhũ pagũ ijire. Mũsa ye ijiatire yariũtja. Yũhũre mũsa wacũatire ahrire ihyaya”, niñohti Jesu mari puhtoro. ²⁵ Sa tiquina ihyari bato tiquiro sihnidi pare neno ohõ saha niñohti: “Mũsa ñaũe yeyere cohãgũ tagũ yariũtja. Sa yegũ ye diire cohãgũtja. Cohãcjũ ‘Mũsare yũhdũoutja’ tiquiro nidiro esagũ yũhũ yariaro mehna tiquiro nidiro sahata sohtori tirota. Ahri papũ pose tiyere sihnina, yũhũ dii wijiarire wacũnata. Ahrire sihnina, yũhũre mũsa wacũatire sihniña”, niñohti Jesu. ²⁶ Sa yena Santa cena cjẽ pãre mũsa ihyana, sihniñene sihnina, Jesu mari puhtoro mari ye buhirire tiquiro yariarire wacũ, ihñona nine mũsa. Sa ihñoducunata mũsa tee ahri yehpapũ tiquiro tojoa tato pano.

“Santa cenare ihya sihnina ohõ saha yeya”, ni yahuahye Pablo

²⁷ Santa cenare ihya, sihnina, Jesure ño peoro marieno cua pesaro yerana, tiquiro pagũre tiquiro dii cohãri gũhũre bujũpero saha yena niaja mari. Sa yena Jesure bujũpena niaja mari. Sa yeyequina buhiri tiyequina ijire. ²⁸ Sa yena mari yerire, mari ijiye tiyere quehnoano wacũuhna. Sa wacũna Santa cenare ihya, sihni masiaja mari. ²⁹ Mari puhtoro mari ye ijiatire tiquiro pagũ yariarire wacũno marieno Santa cenare ihya, sihnina mari buhiri tinata. ³⁰ Ohõ saha dihita yere peyequina mũsa mehna cjẽna. Sa ye tiquina ihquẽquina

tutueyequina, dohatiyequina wahare. Sa ye apequina tiquina sa yeri buhiri yariaa wahare. ³¹ Sa ijiepegūta tiquina ihya, sihniñe tiquina yerire, tiquina ijiye tiyere quehnoano wacũñe, tiquina ñañe yerire duhu, ti buhirire buhiri tieraboaga. ³² Mari p̄htoro pehe marine tuhtire, tiquina ye buhirire marine buhiri ti dutieraro. Apequina ñañequina Jesure ño peoeyequina buhiri tiatiquina dihita ijire. Tiquina yero saha marine buhiri tigũ cahmedare mari p̄htoro.

³³ Sa yena ȳh̄h̄ acaye, Santa cenare ihyana tana cahmecoana, m̄sa basi cohteniña. ³⁴ Sa ye m̄sa mehna cj̄ena h̄j̄a ahba, tiquina ye w̄h̄h̄sep̄m̄ ihyarĩahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi m̄sa. Apee borore yahu duami m̄sare. Came ȳh̄h̄ basi esaḡp̄m̄ m̄sare yahutja tire.

12

Cohãcjũ yere mari yeatire cũno marine ye masigũ yere Espíritu Santo

¹ Ȳh̄h̄ acaye ahrire yahu duaja m̄sare. Cohãcjũ yere mari yeatire cũno marine ijipihtinare ye masigũ yere Espíritu Santo. Sa yeḡm̄ tire m̄sa quehnoano masigũ cahmeaja.

² Jesu yequina ijieranina sijoro saha ijiye buheyere t̄ho n̄n̄na ijina, m̄sa pehe “Cohãcjũ ijire”, tiquina niñe queoyere, yahuducueye queoyere ño peomedi. Tire masine m̄sa. ³ Sa ijimedina m̄sa ijigũ yojop̄re oh̄o saha ni yahutja m̄sare. “Jesu ñano wahacũnahdo”, niñequina Cohãcjũ yaquiro Espíritu Santo tutuaye mehna sa

niñe niedare. Espíritu Santo warore caoerare tiquina. Sa ijiye “Jesu mari puhtoro ijire”, niñequina pehe Espíritu Santo tutuaye mehna sa niñequina ijire tiquina.

⁴ Cohãcjũ yere ye masiñe peye ijire. Ti sa ijiepegũta marine ye masigũ yeriquiro pehe ihcãquiota ijire. Tiquiro Espíritu Santo ijire. ⁵ Sa ye apequinare yedohoye gãhũ peye ijire. Ti sa ijiepegũta mari puhtoro Jesu pehe marine yedoho dutiriquiro ihcãquiota ijire. ⁶ Sa ye Cohãcjũ yere yeye gãhũ peye ijire. Ti sa ijiepegũta Cohãcjũ ijipihtina marine ye masigũ yeriquiro pehe ihcãquiota ijire. ⁷ Marine Jesu yequinare Espíritu Santo yedohoro, Cohãcjũ tutuayere ihñoño nine. Ohõ sahata yedohore tiquiro Jesu yequinare ijipihtiyequinare mari quehnoano yeatire. ⁸ Ihquẽquinare quehnoano masi yahugũ yere Espíritu Santo. Sa yero apequinare Cohãcjũ yere quehnoano buhegũ yere tiquiro. ⁹ Sa yero apequinare Cohãcjũre quehnoano wacũ tutuagũ yere tiquiro. Sa yero apequinare Cohãcjũ tutuayere ohore tiquiro. Ti tutuaye mehna tiquina pehe dohatiyequinare yuhdugũ yere. Cristore tiquina wacũ tutuagũ ihñano tiquirore tiquina sinidiro sahata yere tiquiro. Espíritu Santo ihcãquiota ijiriquiro ti tutuayere ohore. ¹⁰ Sa yero apequinare Cohãcjũ tutuaye mehna ihñoñene ye masigũ yere tiquiro. Sa yero apequinare Cohãcjũ yere quehnoano yahu masigũ yere tiquiro tiquinare. Sa yero apequina Jesu yequinare buheyere quehnoano bese masigũ yere tiquiro. Sa masiñe watño ye buheye ti ijigũ

masine tiquina. Espíritu Santo waro ye buheye gũhũre ti ijigũ masine tiquina. Sa yero apequinare tũhomehneñe yahuducuyere yahuducu masigũ yere tiquiro. Sa yero tũhomehneñe yahuducuyere yahuducuyequina tiquina nino sahata yahu yũhdũo masigũ yere tiquiro apequinare. ¹¹ Espíritu Santo ihcãquirola ijiriquiro tiquiro cahmeno saha marine ijipihtinare yũhũ yahuriro saha ye masigũ yere. Ihquẽquinare sijoro saha ye masigũ yere. Apequina gũhũre sijoro saha ye masigũ yere.

Cristo yequina ijina ihcã curuata ijiaja mari

¹² Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti pũrita peye ijire mari pagũpũ ijiiye. Sata ijiaja mari Cristo yequina gũhũ. Cristo yequina tiquiro pagũ yero saha ihcã curuata ijiaja. ¹³ Sa yena Cristo yequina ijina, tiquiro pagũ yero saha ihcã curuata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirola ijiriquiro tiquiro pagũ yero saha ihcã curuata ijiaja mari. Espíritu Santo ihcãquirola ijiriquiro tiquiro tutuaye mehna wame yenohrina ijiaja mari ijipihtina. Sa yena ihcãquirola Espíritu Santore cũoaja mari, Cristo ya curua cjãna ijina.

¹⁴ Mari pagũ ihcã pagũ ijiepegũta omocari, caperi, dahpocãri, cahmo, ti mari pagũpũ ijiiye peye ijire. ¹⁵ Mũhũ dahpocã yahuducuri dahpocã ijiro, ohõ saha niboaga mũhũre sijoro saha ni duaro: “Omoca ijieraja yũhũ. Sa yegũ pagũ cjã dahpocã ijieraja yũhũ”, niboaga. Mũhũ dahpocã sa

nieperota pagu cã dahpocã ijirota nine. ¹⁶ Mũhũ cahmono yahuducuri cahmono ijiro, ohõ saha niboaga mũhũre sijoro saha ni duaro: “Capea ijieraja yũhũ. Sa yegu pagu cã cahmono ijieraja yũhũ”, niboaga. Mũhũ cahmono sa nieperota pagu cã cahmono ijirota nine. ¹⁷ ¿Mari pagu capea dihita ijigũ dahse tũhoboagari mari? Basioerare. ¿Sa yena mari pagu cahmono dihita ijigũ dahse wijĩboagari mari? Basioerare. ¹⁸ Sa ijierare mari pagu. Ohõ saha ijire. Mari paguru ijiyere Cohãcjũ tiquiro cahmeno saha cũahye mari pagure. ¹⁹ ¿Mari paguru ijiye marriedagũ dahse wahaboagari mari pagu? ¿Mari omocari dihita ijigũ dahse wahaboagari mari pagu? ²⁰ Mari pagu ohõ saha ijire: Ihcã pagu ijiepegũta mari paguru ijiye peye ijire.

²¹ “Mũhũ yedohogũ cahmedaja”, mũhũ capea ni masiedare mũhũ omocare. Sa yero mũhũ dapu mũhũ dahpocãrine “Mũsa yedohogũ cahmedaja”, ni masiedare. ²² Apeye mari paguru ijiyere “Ihyo iji cãñe ijire”, mari niñe pehere pototi cahmeaja mari apeye mari paguru ijiye yũhdũoro. ²³ Sa yena mari paguru ijiyere “Ihyo ijiye ijire”, mari ni tũhotuepenata tire mari paguru ijiyere cahmeaja mari, mari quehnoano ijiato saha. Sa yena apeye mari paguru ijiyere mari bue tiyere suhti mehna nũoaja mari. ²⁴ Apeye mari paguru ijiyere nũoedaja mari. Ti pũritare ihñona, bue tieraja. Ohõ saha iji dutiahye Cohãcjũ mari pagure. Mari ihñoeñene mari paguru ijiyere mari quehnoano ño peoye mehna cũoaja. Sata ye dutiahye Cohãcjũ. ²⁵ Sa ye mari paguru ijiye ti basi cahme yedohore. ²⁶ Sa ye mari caperi ñano yũhdũgũ apeye

mari pagurp̄ ijiye gũhũ ñano yũhdũre. Sa ye mari caperĩ quehnoañe wahagũ mari pagurp̄ ijiye gũhũ quehnoano tãhoture.

²⁷ Sa yegũ ohõ saha nigũ niaja m̄sare: M̄sa pehe Cristo pagũ yero saha ihcã curuata ijire. Sa yena ijipihtina m̄sa tiqiro pagurp̄ ijiye yero saha tiqiro yequina ijire. ²⁸ Sa yero Jesu yequinare mari yedohoatire cũahye Cohãcjũ marine. Ohõ saha cũahye tiqiro marine. Ihquẽquinare marine buhe dutiro Jesu cũ m̄htarinare cũahye tiqiro. Apequinare tiqiro yere yahu m̄htariquinare cũahye. Apequinare masare buheatiquinare, apequinare Cohãcjũ tutuaye mehna yeatiquinare, apequinare dohatiequinare yũhdũoatiquinare, apequinare masare yedohoatiquinare, apequinare masa p̄htoa ijiatiquinare, apequinare tãhomehneñe yahuducuyere yahuducuatiquinare cũahye Cohãcjũ marine. ²⁹ Sa tiqiro cũgũ ijipihtina ihcãno saha tiqiro cũrina ijieraja mari. Apequina Cohãcjũ buhe dutiro tiqiro cũriquina ijierare. Sa yena apequina Cohãcjũ yere yahu m̄htarina ijieraja mari. Sa yena apequina masare buhena ijieraja mari. Sa yena apequina Cohãcjũ tutuaye mehna yeatina ijieraja mari. ³⁰ Sa ye apequina dohatiequinare yũhdũoatiquina ijierare. Sa yena apequina tãhomehneñe yahuducuyere yahuducuna ijieraja mari. Sa yena apequina tãhomehneñe yahuducuyere yahu yũhdũoana ijieraja mari. Sa yero maripe mari yeatire cũahye tiqiro. ³¹ Sa yena Cohãcjũ yere ye masi duana quehnoa yũhdũye pehere tutuaro cahmeña m̄sa. Sa yegũ ijipihtiye yũhũ nidi yũhdũoro m̄sa

cahmeatire yojopure yahutja musare yuh.

13

Apequinare quehnoano tiquina cahĩatire yahuahye Pablo

¹ Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahĩedana, dahseanaja ijieraja mari. Sa ye mari yahuducuye gũhũ dahseati ijierare. Sa yena apequinare cahĩedana mari yahuducuna, ihyo waro yahuducuna niaja.

² Cohãcjũ yere quehnoano yahu masiepenata, masa tiquina masiedarire Cohãcjũ yere tiquina buheri gũhũre masi pehoepenata apequinare cahĩedana dahseanaja ijieraja mari. “Ahdũ cunũ ape siepũ wahaahro”, mari nigũ “Potota mari nidiro sahata Cohãcjũ yerota”, ni mari tãhotugũ sata yerota. Cohãcjũre sa ni tãhotuyequina ijiepenata apequinare cahĩedana ne dahseanaja ijieraja mari. ³ Ijipihtiyere pejecũoyequinare mari ohoepegũta apequinare mari cahĩedagũ ti mari ohori dahseati ijierare. Sa yena Cohãcjũ yere yena tana mari pagũre mari ujuũ muo dutiepegũta apequinare mari cahĩedagũ ti mari sa yeye dahseati ijierare.

⁴ Usueraja apequinare cahĩna. Tiquinare cahĩna quehnoano yeaja tiquinare. Sa yena apequinare cahĩna tiquinare coeraja. Sa yena mari cahĩniquiro mehna ijina “Mũhũ yũhdũoro ijigũ ijiaja”, niedaja mari. ⁵ Apequinare cahĩna “Musare masi yũhdũdũcaja”, niedaja mari tiquinare. Sa yena apequinare cahĩna tiquinare

ño peoro mehna yeaja mari. Apequinare cahña “Usã cahmeno saha yeaja. Musa cahmeno saha yeraja”, niedaja mari. Sa yena tiquinare cahña duita usueraja mari tiquina mehna. Sa yena apequinare cahña marine ñano tiquina yegũ gũhure tiquina mehna sa usuaducueraja mari. ⁶ Apequinare cahña ñañene tiquina yegũ ihñana bucueraja mari. Quehnoañe pehere tiquina yegũ ihñana tutuaro bucueaja. ⁷ Apequinare cahña tiquina ye buhiri ñano yũhdũepenata tiquinare sa cahĩducujaja mari. Apequinare cahña apequina pehe mari cahĩñequinare tiquina yahu wajagũ tũhoepenata tire tũho dueraja. Mari cahĩñequinare apequina yahugũ quehnoañe dihitare tũho duaja mari. Apequinare cahña “Tiquina ñañene yesi”, ni tũhotuaja mari tiquinare. Apequinare cahña ñano yũhdũepenata tiquinare cahĩ duhusi mari.

⁸ Ti cahme cahñe ne pihtisi. Cohãcjũ yere yahuye pehe came pihtia waharota. Tũhomehneñe yahuducuye gũhũ came pihtia waharota. Cohãcjũ yere masa tiquina buheri gũhũ came pihtia waharota. Apequinare cahme cahñe pehe ne pihtisi. ⁹ Yojopũre Cohãcjũ yere mari masi peho masiedaja. Sa yena tiquiro yere yahuna mari yahu peho masiedaja. Mari masi pehoati dũhsare. ¹⁰ Sa yena Cristo ñañe marieniquiro tiquiro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

¹¹ Mari masi pehoati ohõ saha ijire: Nijigũ ijigũ nijinogã yero saha yahuducumi yũhũ. Sa yegũ nijinogã yero saha tũhotumi. Sa yegũ bũcũ wahagũ nijinogã tiquiro yeriro saha duhu cãhũ. Sata mari

yojopure “Masi pehoeraja”, niepenata camepure masi pehonata. ¹² Eõno quehnoano wuhdoa bajúero saha yojopure quehnoano masi pehoerani-aja mari. Came apequiore quehnoano mari ihña masino saha mari masi pehonata. Yojopure mari masi pehoati marine dũhsare. Cohãcjũ marine tiquiore quehnoano masi pehoriro saha came mari gãhũ quehnoano masi pehonata. ¹³ Sa ye ihtiarore mari ye masiaja yojopure. Cohãcjũre wacũ tutua masiaja. Sa yena marine tiquiore yũhdũoatire masina, mari quehnoano cohte masiaja. Sa yena apequinare cahme cahĩ masiaja. Ahri ihtiaro ijire pototi mari yeati. Sa yena apequinare cahme cahĩna, ahri pũaro yũhdũoro yena niaja. Wacũ tutuaye, tiquiore yũhdũoatire cohteyey yũhdũoro ijire cahme cahĩne pehe.

14

Tũhomehneñe yahuducuyere yahuahye Pablo

¹ Sa yena apequinare cahme cahĩña mũsa. Sa ye Cohãcjũ yere mũsa quehnoano ye masiatire cahmeña mũsa. Cohãcjũ yere mũsa yahuati pũritare tutuaro cahmeña mũsa. ² Tũhomehneñe yahuducuyere yahuducuriquiore Cohãcjũ mehna dihita yahuducure. Sa ni yahuducuro masa mehna yahuducuro niedare tiquiore. Tiquiore sa ni yahuducugũ tũhoye masa pehe ne tũhoerare tiquiore. Masa tiquina masiedarire Espĩritu Santo tutuaye mehna yahuducuro nine tiquiore. ³ Cohãcjũ yere yahuriquiore pehe masa pehere yahure. Sa yahuro tiquiore masare yedohoro nine. Sa yero tiquinare buhero nine tiquiore.

Sa yero tiquina ñano yḥdḡgũ tiquinare bucuegũ yere. ⁴ Tḥhomehneñe yahuducuyere yahuducuriqiro ihcãquirola buhere. Apequinare buherare. Cohãcjũ yere yahuriqiro pehe apequinare Jesu yequinare buhero, yedohore tiqiro.

⁵ Tḥhomehneñe yahuducuyere ijipihtina mḥsa yahuducugũ quehnoaboaga, yḥḥ tḥhotugũ. Sa ijiepegũta Cohãcjũ yere mḥsa yahugũ pũritare tutuaro cahmeaja. Cohãcjũ yere yahuriqiro pehe tḥhomehneñe yahuducuyere yahuducuriqiro yḥdḥoro apequinare yedohore. Sa ijiepegũta tḥhomehneñene yahuducuriqiro tiqiro yahuducuyere apeqiro yahu yḥdḥogũ tiquina pehe pototi apequinare yedohore. Tiqiro yahuducuyere yahu yḥdḥoriqiro ijiro tiqiro pehe apequinare Jesu yequinare buhero nine.

⁶ Tḥhomehneñe yahuducuyere mḥsa mehna yḥḥ yahuducugḥ, apeqiro mḥsare tiqiro yahu yḥdḥoeragũ mḥsare yedohoeraboaga yḥḥ. Sa yegḥ Cohãcjũ yḥḥre tiqiro yahurire yahugḥ, tiqiro yere yḥḥ masiñene yahugḥ, apeyere tiqiro yere yahugḥ mḥsare yedohogḥ niaja. Tire mḥsa tḥhoatire mḥsare buhegḥ mḥsare quehnoano yedohogḥ niaja yḥḥ.

⁷ Tḥhomehneñene yahuducuriqiro tiqiro yahuducuye basa wamoa yero saha ijire. Carisure putina, arpare bua putẽna tire mari queoro yeragũ ti basayere apequinare masino basioerare. ⁸ Sa yero cornetare putiriquiro surara ijiro tiquina cahme wejẽato panore queoro tiqiro putieragũ apequina surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoare quehnoyuriquina ijisi tiquina.

⁹ Sata m̄sa ḡh̄u t̄homehneñe yahuducuyere m̄sa yahuducuḡu t̄hoye, yahu ȳhd̄uoriquiro mariedaḡu apequna tire ne masisi. Tiquina sa masiedaḡu m̄sa yahuducuye d̄ahseati ijierare.

¹⁰ Ahri yehpap̄u peye yahuducuye ijiaga. Sa ye tire yahuducuyequina tiquina basi sa yahuducuyere quehnoano t̄hore. ¹¹ Ihc̄aquiroye yahuducuyere ȳh̄u t̄hoeraḡu ih̄ñano tire yahuducuriquiro pehe “Ape dihta cj̄ño ijire”, ni t̄hoturota ȳh̄ure. Sa yeḡu ȳh̄u ḡh̄u sata ni t̄hotutja tiquirore. ¹² Sata ijiri m̄sa ḡh̄u t̄homehneñene yahuducuna. Esp̄ritu Santo tiquiro tutuaye mehna tutuaro ye duamene m̄sa. Tiquiro tutuaye mehna sa ye duana apequna Jesu yequinare m̄sa buheatire tiquinare m̄sa yedohoatire tutuaro cahmeña m̄sa.

¹³ Sa yero t̄homehneñene yahuducuriquiro tiquiro yahuducurire tiquiro quehnoano yahu ȳhd̄uotire Coh̄ãcj̄re siniahdo tiquiro.

¹⁴ T̄homehneñe yahuducuye mehna Coh̄ãcj̄re siniḡu ȳh̄u t̄hotuyere mehna siniḡu niaja. Sa siniḡu ȳh̄u t̄hotuyere apequnare quehnoano yahueraja. Sa yeḡu apequnare yedohoeraja ȳh̄u.

¹⁵ Ahrire masina, oh̄o saha yenata mari: Esp̄ritu Santo tutuaye mehna t̄homehneñe yahuducuye mehna Coh̄ãcj̄re sininata. Sa yena ape decop̄u quehnoano masi t̄hotu, apequna tiquina quehnoano t̄hoatire tiquina ye mehna Coh̄ãcj̄re sinina, ti ḡh̄ure sininata tja. Esp̄ritu Santo tutuaye mehna t̄homehneñe yahuducuye mehna Coh̄ãcj̄re yere basanata. Sa yena ape deco quehnoano masi t̄hotu, apequna tiquina quehnoano t̄hoatire tiquina ye mehna Coh̄ãcj̄re

yere basana, ti gũhure basanata tja.

¹⁶ Mari sa yeragũ tũhomehneñe yahuducuye mehna Espíritu Santo tutuaye mehna Cohãcjũre “Quehnoariquiro, tutuariquiro ijire”, mari niepegũta apequina pehe ne tũhoerare. Sa tũhoeraye “Poto ijire”, ni masiedare.

¹⁷ Tũhomehneñe yahuducuye mehna Cohãcjũre “Quehnoare”, ni masiaja mari. Mari sa niñe quehnoañe ijiepegũta tire yahu yũhdũoerana apequinare buheraja mari. Sa yena tiquinare yedohoeraja mari. ¹⁸ Ijipihtina mũsa yũhdũoro yũhũ pehe tũhomehneñene yahuducuaaja. Sa yegũ Cohãcjũ yũhũre sa yahuducu masigũ tiquiro yegũ tiquiore “Quehnoare”, niaja yũhũ. ¹⁹ Sa yahuducugũ yũhũ ijiepegũta Jesu yequina cahmecoañequina watoa yũhũ ijigũ, tũhomehneñe yahuducuye mehna peye yũhũ yahuepegũta dũhseati ijierare. Ti yũhdũoro masa tiquina quehnoano tũhoati pehe meheñegã yũhũ yahuepegũta quehnoarĩne, yũhũ tũhotugũ.

²⁰ Yũhũ acaye, macanagã tũho masieñequinagã tiquina ijiro saha ijieracãhña mũsa. Sa yena coã bajuayequina ñañe yeyere tiquina masieno saha ijiya mũsa gũhũ. Sa yena bũcũna tũho masiñequina tiquina ijiro saha ijiya mũsa.

²¹ Cohãcjũ yere tiquina ojoari pũrũ ohõ saha nine: “ Tũhomehneñene yahuducuyequinare ahriquina masare yeere yahu dutiitja. Sa yegũ ape dihta cjẽnare yeere yahu dutiitja ahriquina masare. Yũhũ sa yahu dutiepegũta ahriquina yũhũ yahuyere tũhosi’, nine Cohãcjũ mari pũhtoro”, nine Cohãcjũ yere tiquina ojoari pũrũ. ²² Sa ye tũhomehneñene yahuducuye Jesu yequinare

Cohãcjũ tutuayere masigũ yeati ijierare. Ti yahuducuye Jesure cahmeeñequina pehere Cohãcjũ tutuayere masigũ yeati ijire. Sa yero Cohãcjũ yere yahuye Jesure cahmeeñequinare Cohãcjũ tutuayere masigũ yeati ijierare. Cohãcjũ yere yahuye Jesu yequina pehere Cohãcjũ tutuayere masigũ yeati ijire.

²³ Sa ye ijipihtina m̄sa Jesu yequina cahme-coagũ t̄homehneñene m̄sa yahuducugũ tire masieñequina, apequina Jesure cahmeeñequina gũh̄u sajà, t̄hoboaga. Sa t̄hoye “Tiquina t̄ho masieñequina ijire”, niboaga m̄sare tiquina. ²⁴ Ijipihtina m̄sa Cohãcjũ yere m̄sa yahugũ p̄rita tire masiedariquiro, Jesure cahmedariquiro sajà d̄uca t̄horo, tiquiro ñañe yerire masiboaga tiquiro. Sa yero tiquiro ñañe yerire b̄jua witiboaga tiquiro. ²⁵ Sa yero poto tiquiro ijiye tiyere tiquiro t̄hotuye gũh̄ure masiboaga tiquiro. Sa yero Cohãcjũ poto d̄usepe curi mehna quehe saro, tiquirore ño peorota. Sa yero “Cohãcjũ potota m̄sa mehna ijire”, ninota tiquiro m̄sare.

M̄sa cahmecoana quehnoano yeya dojomehnenno marieno

²⁶ Sa yegũ yah̄u acaye, m̄sare ahrire nigũ nija: Cahmecoana ihquẽquina m̄sa mehna cjẽna Cohãcjũ yere basa duare. Sa yena apequina buhe duare. Sa yena apequina Cohãcjũ m̄sare tiquiro buherire yahu duare m̄sa. Sa yena apequina t̄homehneñe mehna yahuducu duare m̄sa. Sa yena m̄sa apequina ti yahuducuyere yahu yah̄u duare m̄sa. Ti ijipih̄iyere sa

yena apequna m̄sare t̄hoyequina tiquina quehnoano masiatire tire yeya.

27 Sa yena t̄homehneñe mehna m̄sa yahuducuna p̄ana, ihtiana topenata yahuducuya m̄sa. Sa yena camesa yahuducuya. M̄sa sa yahuducuḡ, ihc̄aquiroy m̄sa mehna cj̄no m̄sa yahuducurire apequnare yahu ȳhd̄oahro. 28 M̄sa yahuducuyere yahu ȳhd̄oriquiro mariedaḡ m̄sa cahmecoana ijipihtina m̄sa t̄homehneñene yahuducu duana yahuducuerac̄ãña. Sa yena masa marienop̄ Coh̄cj̄ mehna yahuducuya m̄sa. 29 Sa yena Coh̄cj̄ yere yahu duana p̄ana, ihtiana topenata yahuya m̄sa. M̄sa sa yahuḡ apequna m̄sare t̄hoyequina m̄sa yahurire quehnoano t̄ho n̄n̄ahdo. 30 Sa yero Esp̄ritu Santo Coh̄cj̄ yere apeqirore top̄ dujiriquirore yahu d̄caboaga. Tiquiro yahu d̄caḡ tiquirore t̄horiquiro ḡh̄ Jesu yequnare yahu duaboaga. Sa yero tiquiro pano yahuriquiro pehe dihta mariahdo. 31 Sa yena ijipihtina m̄sa Coh̄cj̄ yere yahuna, camesa yahuya m̄sa ijipih̄tiyequina apequna tiquina quehnoano t̄hoatire, tiquina quehnoano bucueatire. 32 Sa yena Coh̄cj̄ yere yahuna ijina, quehnoano t̄ho masi, quehnoano t̄hotu yahuducuya.

33 Coh̄cj̄ tiquiro yequina tiquina cahmecoanop̄ tiquina cahme yahuducuḡ, suhriḡ cahmedare tiquiro. Dojomehneno marieno tiquina quehnoano ijiḡ cahmene tiquiro. Ijipih̄tirop̄ Jesu yequina cahmecoa, oh̄ saha yere tiquina. 34 Tiquina cahmecoanop̄

numiare yahuducu dutierare. Tiquina numiare mari pehe yahuducu dutieraja. Cohãcjũ ojoari pũpũ tiquiro nidiro sahata numiare m̃m̃are quehnoano yãhtiyequina numia ijiro cahmene. Sa ye cahmecoanopũ numia masare yahuducueracãhdo. ³⁵ Jesu yequina tiquina cahmecoanopũ numia tiquina yahuducugũ ñarĩne. Sa yero apee borore masi duaro numino ticoro ya wãhãpũta ticoro manãnore sinituahro.

³⁶ Ahri yũhũ yahuatire quehnoano masiña m̃sa. Cohãcjũ yere yahu m̃htana ijierare m̃sa. Sa yena tiquiro yere tãhorina m̃sa dihita ijierare. Apequina gãhũ tiquiro ye buheyere cãore. ³⁷ M̃sa mehna cjãno “Yũhũ Cohãcjũ yere yahugũ ijiaja”, ni tãhoturiquiro ijiro ahri m̃sare yũhũ ojoari Cohãcjũ dutiye ijigũ masiahdo tiquiro. Sa yero apequiro “Espíritu Santo tutuaye mehna ye masiaja”, ni tãhoturiquiro ijiro tiquiro gãhũ ahri yũhũ ojoari Cohãcjũ dutiye ijigũ masiahdo tiquiro. ³⁸ Tire tiquiro masi dueragũ yũhũ ojoarire “Poto ijierare”, tiquiro nigũ tiquirore duhu cãhña. Tãhoeracãhña tiquirore.

³⁹ Sa yena yũhũ acaye, Cohãcjũ yere yahuna m̃sa ijiatire tutuaro cahmeña m̃sa. Sa yena m̃sa mehna cjẽna m̃sa cahmecoanopũ tãhomehneñe yahuducuye mehna tiquina yahu duagũ “Sa yahuducueracãhña”, niedacãhña tiquinare. ⁴⁰ Sa cahmecoana quehnoano, cahme dojomehnenno marieno yeya m̃sa.

15

Quehnoañe buheyere tiquiro yahurire yahuahye

Pablo

¹ Yojoꝑare yũhũ acaye, quehnoañe buheyere m̄sare yũhũ yahurire m̄sare wacũgũ ye duaja. Ti buheyere quehnoano cahmene m̄sa. Sa cahmena ti buheyere ne cohãedare m̄sa. ² M̄sa sa cahmegũ tire m̄sa cohãedagũ Cristo m̄sare pecapũ wahaborinare yũhdũo tuhasari. M̄sa sa tũhori bato Cristo yere m̄sa duhu cãgũ ti m̄sa tũhori dũhseati ijierare.

³ Ohõ saha ni yahu m̄htaũtja m̄sare. Ahri ihyo waro ijierare. M̄sare buhegũ yũhũre Cristo tiquiro yahurire m̄sare ohõ saha ni yahuu: Cohãcjũ yere tiquina ojoariro sahata mari ñañe buhirire Cristo yariahye. ⁴ Sa yero Cohãcjũ yere tiquina ojoariro sahata Cristo tiquiro yariari bato apequina tiquirore tiquina yagũ ihtia deco wahaboro tiquiro pehe masa wijiahye. ⁵ Tiquiro sa masa wijari bato Pedrore bajuahye. Tiquiro sa bajuari bato apequinare tiquiro buheyequinare bajuahye tja. ⁶ Tiquiro sa bajuari bato ihcã tahata quinientos bui ijieyequinare tiquiro yequinare bajuahye tja. Ihquẽquina tiquirore ihñariquina m̄na yojoꝑare yariariquina m̄na ijire. Tiquina sa ijiepegũta peyequina tiquina mehna cjẽna yojoꝑare ijinine. ⁷ Came Cristo Santiagore bajuahye tja. Sa tiquiro bajuari bato ijipihtiequina buhe duti tiquiro cũriquinare bajuahye tja.

⁸ Ijipihtiequina apequinare tiquiro bajuari bato yũhũ gũhũre bajuari tja. Nijinogã queoro masa bajueriquirogã tiquiro masa bajua n̄nũ tãriro saha yũhũ gũhũ Jesure wacũ tutua n̄nũ tãrigũ ijiaja. Yũhũ sa ijirigũ ijigũ tiquina batopũ bajuari Jesu yũhũ gũhũre tja. Yũhũreta tiquiro

bajua bato tiri. ⁹ Panopure Jesu yequinare ñano yemi. Sa yerigü ijigü apequna Jesu cūriquina ijipihtiyequina tiquina docapü waro ijiaja yühü. Sa yegü yojopü gūhare Jesu buhe duti tiquiro cūnohborigü ijierami yühü. ¹⁰ Sa ijiepegūta Cohācjū yūhare cahīgū yojopure Jesu cūrigü ijiaja yühü. Sa yegü yūhare tiquiro cahīgū yojopure tiquiro cahmeñene ye pehoaja. Sa yegü yūhare cahīgū tiquiro yaquiro sa iji cāgü niedaja. Ijipihtiyequina apequna tiquiro cūriquina yūhduro yūhü pehe tutuaro buhei. Sa buhegü yūhü esa tuharo buherü. Cohācjū yūhare cahīno yūhare yedohori. ¹¹ Ūsā buheye pehe ihyo waro ijierare. Yūhü müsare quehnoañe buheyere buherigü yūhü ijigū apequna yūhduro yūhare müsā ño peogū ihyo waro ijiro nine. Tiquina gūhü müsare buheyequina ijigū apequna yūhduro tiquina gūhare müsā ño peogū ihyo waro ijiro nine. Ūsā pehe ahrire buhena ijiepenata ihyo ijina ijiaja. Ūsā buheye pehe ihyo waro ijierare. Sa yena müsā pehe ahri buheyere quehnoano tūhore.

Yariariquina muna tiquina masa wijiarire yahuahye Pablo

¹² Cristo yariari bato tiquiro masa wijiarire usā buhepegūta “Yariariquina muna ne masa wijiaerare”, nine müsā mehna cjēna ihquēquina. ¿Dahse ijiro boro sa niajari tiquina tire? ¹³ Sa yero yariariquina muna masa wijiaeragū Cristo gūhü ne masa wijiaeraboya. ¹⁴ Sa ye Cristo masa wijiaeragū quehnoañe buheyere usā yahuri ne dahseati ijieraboya. Tiquiro masa wijiaeragū

tiquireore masa wacũ tutuaye gũhũ dũhseati ijieraboya. ¹⁵ Masa wijiario mariedagũ Ʃsã pehe Cohãcjũ yere ni mehona niboya. Yariariquina muna tiquina masa wijiaeragũ Cohãcjũ pehe Cristore masa wijiagũ yeraboya. Tiquireo sa yeragũ “Cohãcjũ Cristore masa wijiagũ yeahye”, nina ni mehona ijiboaga Ʃsã. ¹⁶ Yariariquina manare Cohãcjũ masoedaro, Cristo gũhũre tiquireo masoedaboya. ¹⁷ Sa yero Cristo masa wijiaeragũ tiquireore masa wacũ tutuaye dũhseati ijieraboaga. Sa yena masa ñaÑe buhiri, buhiri tiboaga masa. ¹⁸ Masa wijiario mariedagũ Cristo yequina muna yaria mahtariquina pecapũ waha tuhasaboya. ¹⁹ Cristore mari wacũ tutuari bato mari yariana masa wijia masiedana ijipihtiequina apequina masa yũhdũoro pejecũona ijiboaga mari pehe. Sa yena tiquireore ihyo warota wacũ tutuana niboaga mari.

²⁰ Potota Cohãcjũ Cristore masa wijiagũ yeahye. Cristo masa wijiari bato mari gũhũ yarianapũ masa wijianata ijiaja. Tiquireo sa masa wijiario, marine siho masa wijia mahtariquireo ijire. ²¹ Ohõ saha ijire ahri: Adán mehna masa yaria dũcahye. Ohõ saha apequireo mehna yariariquina muna masa wijiaeta. ²² Adán yequina iji nũnũ tãnapũ mari ijipihtina yarianata. Sata Cristo yequina mari ijigũ mari yariari bato marine masa wijiagũ yerota Cohãcjũ. ²³ Ihquẽ cururi masare tiquina queori pje ijigũ masa wijiaeta. Cristo marine iji mahtariquireo masa wijia mahtahye. Came ahri yehpapũ tiquireo tojoa tagũ tiquireo yequina gũhũ masa wijiaeta. ²⁴ Ti pjeta pihtiri deco ijirota. Sa yero ijipihtiequina

watĩare, watĩa pũhtoare, tutuayequinare cohãno, Cristo yũhdũdũcarota. Tiquiro sa yeri bato ijipihtiyequina pũhtoro tiquiro ijirire Cristo wijiario, Cohãcjũre mari Pacũre comesarota. ²⁵ Tiquiro wijiato pano mari Pacũ Cristore ihña tuhtiyequinare tiquiro yũhdũdũca pehoato pano Cristo pũrita ijipihtiyequina pũhtoro ijirota. Sa ijiriquirota ijiro cahmene tiquirore. ²⁶ Tiquirore ihña tuhtiyequinare tiquiro yũhdũdũcari bato, yariamedi gãhũre cohã cãnota. Yariaye phtia wahaarota. ²⁷ Ijipihtiyequina bui dutiatiquirore cũahye Cohãcjũ Cristore. Ijipihtiyere cũoriquiro gãhũre cũahye tiquirore. Sata nine Cohãcjũ yere tiquina ojoari pũpũ. Cohãcjũ pehe tiquirore cũriiquiro ijire. Sa yero “Ijipihtiyequina bui dutiatiquirore cũahye tiquirore”, nino, “Cohãcjũ bui dutiriiquiro ijire tiquiro”, nino niedahye tiquiro yere tiquina ojoari pũpũ. ²⁸ Ijipihtiyequina bui dutiriiquiro Cristo Cohãcjũ macũno ijigũ Cohãcjũ tiquirore cũriiquiro pehe tiquiro macũno bui dutiriiquiro ijirota. Sa yero Cohãcjũ pehe ijipihtiyequina pũhtoro waro ijire. Ijipihtiyere cũoriquiro gãhũ ijire.

²⁹ ¿Masa wijiario mariedagũ dũhse ye apequina masa yariariquina mũna ye ijiatire tiquina wame yenhriquina ijiajari? Yariariquina mũna masa wijaeragũ tiquina ye ijiatire apequina wame yegũ ihyo warota wame yenhriquina ijiboaya.

³⁰ Ŭsã pehe ũsã buheri buhiri decoripe apequina ũsãre tiquina ñano ye duagũ cuarĩne ũsã gãhũre. Ŭsãre sa cuaepẽgũta masa wijiario ijigũ masina sa buheducuaaja ũsã. ³¹ Mari pũhtoro Jesucristo yequina mũsa ijigũ tiquirore wacũ tutua nemonã

musa wahagũ yahũ pehe tutuaro bucueaja yahũ musa mehna. Ti ijirota ijire. Sa yero “Dahse ijiri decopũ yahũre yariaro cuarĩne”, yahũ nigũ ti gũhũ ijirota ijire. ³² Efeso cjẽna usuayequina quehnoañe buheyere yahũ buheri buhiri yahũre quẽdi. Masa wijiario mariedagũ Jesu yaquiro yahũ ijieragũ, yahũ sa ñano yũhdũri dahseati ijieraboya. Ihyo waro ñano yũhdũgũ niboaya yahũ. Yariariquina mũna tiquina masa wijaeragũ ohõ saha niboaga mari: “Came cjũnogã yarianata. Dahse wahasi mari. Sa yena ihya sihniihna. Mari esa tuharo yeihna”, niboaga mari.

³³ Ni mehoñene tũhotueracãhña musa. “Ñañequinare piti tina, quehnoañe musa yerire bonata musa”, nine masa. Ti ijirota ijire. ³⁴ Quehnoañene tũhotuna ijiya musa. Sa yena quehnoañene yena ijiya tja. Sa yena ñañene ye nemoedacãhña tja. Ihquẽquina musa mehna cjẽna ne Cohãcjũre masiedare. Musa bũoro wahati pehere musare sa niaja.

Yariariquina mũna tiquina masa wiiarore yahu nemoahye Pablo

³⁵ Sa ye musa mehna cjũno ohõ saha ni sinituboaga yahũre: ¿Dahse yariariquina mũna masa wijaetari? ¿Dahse ijiye pagũri masa wijaetari? ni sinituboaga. ³⁶ Sa sinituriquiro tũho masieniquiro ijire. Oteri pjere mari oteri bato ti pje ahbagũ waro pihnine. Ahbaeraro ne pihnisi. Tire masine musa. ³⁷ Bũjũye cjũpũre oteraja mari. Ti pjeri dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga. ³⁸ Ti pjerire mari oteri bato Cohãcjũ tiquiro cahmediro

saha ti pjerire buca mujagū yere. Sa yero oteye pjerire bujue pihniḡā yere tiqiro. Sata pihni dutire Cohācjū.

³⁹ Ijipihtiyequina paguri ihcāno saha bajuerare. Masa paguri pehe ihcāno saha ijire. Wahiquina paguri ḡūhū sijoro saha bajure. Minicjūa paguri ḡūhū sijoro saha bajure. Sa yeye wahi ḡūhū sijoro saha pagū tire. ⁴⁰ Sa ye ūhmūse cjē ḡūhū sijoro saha bajure. Sa yeye ahri yehpa cjēna ḡūhū sijoro saha pagū tire. Sa yeye ūhmūse cjēna paguri ḡūhū sijoro saha bajure. Sa yeye ahri yehpa cjē ūhmūse cjē yero saha ijierare. ⁴¹ Ohō saha ijire. Asū deco cjāno asi sitere. Sa ye űami cjāno ḡūhū sijoro saha ijire tiqiro ḡūhū. Ihyo buhriore. Sa yeye űahpicoha ḡūhū sijoro saha asi paare. űahpicoha pari ḡūhūre mari ihñagū ihquē paca mehenogā asiye paca bajure. Sa yeye apeye paca tutuaro asiye paca bajure.

⁴² Ohō saha ijire yariariquina māna tiquina masa wijagū. Masūno tiqiro pagure mari yari bato tiqiro pagū ahbaa waharota. Sa yero ape pagū sijoro saha ijiri pagū ijipihtiye decori catiati pagū masa wijiarota. ⁴³ Ti pagure mari yagū yariariqiro mānano pejecūo nine. Cohācjū tiqirore masogū tiqiro pagū quehnoa yūhdūari pagū ijire. Sa yero tiqiro pagū mari yari pagū tutuaye mariedi pagū ijire. Sa yero Cohācjū tiqirore masogū tiqiro pagū tutua yūhdūare. ⁴⁴ Ahri yehpa cjā pagure mari yagū yariariqiro mānano tiqiro masa wijagū tiqiro pagū ūhmūse cjā pagū ijirota. Ahri yehpa cjā pagure mari cūona, ūhmūse cjā pagū ḡūhūre cūonata, masa wijiana.

⁴⁵ Sata ni yahure Cohãcjũ yere tiquina ojoari pũpũ: “Ahri yehpapũ iji mũhtariquiro Adán wame tiriquiro catiriquiro wahahye”, ni ojoahye. Ti sa ijiepegũta Adán yero saha ijiriquiro bato tiriquiro Cristo pehe catiyere ohoro ahtahye. ⁴⁶ Ahri yehpa cjã pagũ iji mũhtari pagũ ijire. Camerũ ãhmũse cjã pagũ ijirota. ⁴⁷ Ohõ saha ijire: Iji mũhtariquiro Adán pehe ahri yehpa cjãno dihta mehna tiquiro yeri pagũre pagũ tiahye. Tiquiro bato ahtariquiro, Cristo pehe ãhmũsepũ ahtahye. ⁴⁸ Dihta mehna tiquiro yeri pagũre pagũ ti mũhtariquiro tiquiro ijiriro saha ijipihtina apeqũna dihta mehna tiquiro yeri pagũre pagũ tina ijiaja mari. Sa yena ãhmũsepũ ahtariquiro yero saha tiquiro yequina ijipihtina tiquiro yero saha pagũ tina ijinata mari. ⁴⁹ Dihta mehna tiquiro yeri pagũre pagũ tiriquiro yero saha bajuaja mari. Tiquiro yero saha mari ijiriro saha ãhmũse cjãno yero saha bajunata mari.

⁵⁰ Yũhũ acaye, mũsare ahrire yahu duaja: Ahri yehpa cjã pagũ dii mehna, dihi mehna ijiri pagũ Cohãcjũ pũhtoro ijiorũre ãhmũsepũre ne wahasi. Mari pagũ ahbati pagũ ijire. Sa ye ãhmũsepũ ijipihtiyere decori mari ijiatopũre ahri pagũ wahasi. ⁵¹⁻⁵² Panopũre masa tiquina masiedarire yojopũre mũsare yahu duaja: Mari mehna cjẽna ihquẽquina yariasi. Sa ye duita, tiquina pagũre came-sayequina ijietã. Cornetare tiquiro puti, bato tiri decorũ sata waharota marine. Ohõ saha waharota. Corneta bisiri bato yariariquina mũnare Cohãcjũ masonota ijipihtiyere decori tiquina ijiatire. Sa yena pagũre comesarina ijinata mari gũhũ. ⁵³ Mari pagũre tiquiro comesagũ to pano mari

ahbati paguri ijiepegūta mari comesari bato ne ahbasi. Sa ye mari paguri comesagū to pano mari yariati paguri ijiepegūta ne yariasi. ⁵⁴ Mari ahbati paguri ne ahbaerati pagurire comesarota. Sa ye mari yariati paguri sa ijiducuati pagurire comesarota. Sa marine comesagū panopu tiquiro ojoariro sahata sa waharota: “Cohācjū yariayere cohā cāri. ⁵⁵ Yojopure ne pari turi mari yariasi. Sa yena yariaro mehna pari turi ñano yuhdasi mari”, ni ojoahye panopure. ⁵⁶ Mari ñañe buhiri ijigū pūrta yariaro mehna ñano yuhdanata. Sa ye Cohācjū dutiye Moiserere tiquiro cūrre mari masidi bato, buhiri tiaja mari. Sa yero marine pecapu waha dutire Cohācjū dutiye. ⁵⁷ Tiquiro sa dutiepegūta mari puhtoro Jesucristo pehe marine pecapu wahaeragū yere. Tiquiro sa yeriquiro ijigū masina Cohācjū mehna bucue, “Quehnoare”, niaja mari.

⁵⁸ Sa yena yuhu acaye, yuhu cahña, Cristore wacū tutua duhueracāhña. Sa yena apequina musare quehnoañe buheyere tiquina cohā dutigū, ne cohāedacāhña tire. Sa yena decoripe mari puhtoro Jesucristo tiquiro ye dutiyere quehnoano yeducuya musa. Mari puhtoro Jesucristo yere mari yegū, ahri ihyo waro ijierare. Ahrire masina tiquiro ye dutiyere quehnoano yeducuya musa.

16

Apequinare Jesu yequinare Corinto cjēna niñeru tiquina ohoatire yahuahye Pablo

¹ Yojopure apequinare Jesu yequinare musa niñeru ohoatire yahu duaja musare. Galacia yehpa cjēnare Jesu yequinare yuhu dutiriro sahata

musa gũhu yeya. ² Semanaripe domingo ijigũ ijipihtina musa Jesu yequinare ohoati niñerure mehenogã ohoya. Mehenogã cuna mehenogã ohoya. Sa yena paji cjũnogã cuna paji cjũnogã ohoya. Semanaripe musa sa yegũ musa cahapũ yũhũ esagũ musa ohoati niñeru iji tuhasarota. ³ Musa ohoatire yahuye pũrine ojoatja. Sa yegũ yũhũ topũ esagũ ti pũrine topũ wahatiquinare musa beseriquinare ohoutja. Sa oho tuhasagũ Jesu yequinare musa ohori niñerure neatiquinare ohoutja Jerusalẽpũ. ⁴ Ti macapure yũhũ yeati ijigũ yũhũ gũhu wahagutja. Yũhũ sa wahagũ yũhũ mehna tiquina wahaeta.

Tiquiro tiniatire yahuahye Pablo

⁵ Macedonia yehpa cjẽnare ihña yũhdutja yũhũ. Yũhdũ cã, musa cahapũ Corintopũ esautja. ⁶ Topũ esagũ musa mehna meheñe decorigã ijiboaga yũhũ ape taha yegũ. Yoa cjũri pje pohero ijiro puno musa mehna ijiboaga yũhũ. Sa yena ape sierpũ yũhũ wahagũ musa gũhu yũhũre yedoho masine. ⁷ Meheñe decorigã iji dueraja yũhũ musa mehna. Sa yegũ Cohãcjũ cahmegũ yoa cjũri pje musa mehna ijiitja yũhũ. ⁸ Sa iji duepeguta Pentecoste bose ijigũpũ Efesopũ ijiniitja yũhũ. ⁹ Ohõpũ Efesopũ yojopure mari pũhtoro Jesu yere tũho duayequina peyequina ijire. Tiquina sa ijigũ tiquinare yahuaja. Yũhũ sa yahugũ yũhũre ihña tuhtiyequina peyequina ijire.

¹⁰ Timoteo yũhũ yero saha mari pũhtoro yere yere. Tiquiro sa yeriquiro ijigũ musa cahapũ esagũ quehnoano mehna tiquirore piti ca, tiquiro mehna quehnoano bucueye mehna ijiya musa.

11 Sa yena tiquireore yuhduducaeracãhña m̄sa. Sa yena tiquireo cohe tigũ quehnoano mehna tiquireore yedohoya yuh̄ cahap̄ tiquireo tojoa tagũ. Apequina Jesu yequina mehna usã tiquireore cohtena niaja. Sa yena quehnoano yedohoye mehna tiquireore ohoya.

12 Apolo mari acaȳro Jesu yaquireo m̄sare ihñano wahagũ tutuaro cahmemi. Sa yeḡ tiquireore waha dutimi apequina Jesu yequina mehna tiquireo wahatire. Yuh̄ sa waha dutiepegũta yojop̄re tiquireo waha duerare. Sa yero came tiquireo yeye mariedagũ m̄sa cahap̄ waharota.

Pablo quehnoa duti bato tiahye

13 Quehnoano wacũ masiña m̄sa. Cristore wacũ tutua duhueracãhña. Ne cuenata ijducuya m̄sa. Sa yena Cohãcjũ tutuaye mehna tutuana ijiya m̄sa. 14 Apequinare sa cah̄ducuya.

15 Yojop̄re yuh̄ acaye m̄sare ahrire yahu du-aja: Estefana ya wuh̄ cj̄na Acaya yehpa cj̄na quehnoañe buheyere t̄ho m̄htariquina, tiquina ya yehp̄ Cristore wacũ tutua m̄htariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire m̄sa masine. 16 Tiquina yero saha ijiyequinare, apequina Cristo yere yedohoyequinare m̄sa quehnoano yuh̄tigũ cahmeaja yuh̄.

17 Estefana, Fortunato, Acaico ḡh̄ yuh̄ cahap̄ wihi tuhasare. Ohõp̄ tiquina ijigũ quehnoano bucueaja yuh̄. M̄sare tiquina bucuegũ yeriro saha yuh̄ ḡh̄re bucuegũ yere tiquina. M̄sa mariedagũ m̄sare tutuaro wacũmi yuh̄. Sa yeḡ

tiquina wihigã bucueaja yuhũ. ¹⁸ Tiquina mehna ijigũ quehnoano jeripohna tigũ ijii yuhũ. Mũsa gũhũre sata bucuegũ yere tiquina, yuhũ tũhotugã. Tiquinare quehnoano ño peoya mũsa. Sa yena apequina tiquina yero saha ijiyequina gũhũre ño peoya.

¹⁹ Asia yehpa cjẽna Jesu yequina mũsare quehnoa dutire. Sa ye Aquila, Priscila, tiquina ya wũhũpũ cahmecoañequina mehna Cristo tiquiro cahĩne mehna mũsare tutuaro quehnoa dutire.

²⁰ Ohõ cjẽna Jesu yequina ijipihtiyequina mũsare quehnoa dutire. Mũsa mehna cjẽnare quehnoano mehna piti caya.

²¹ Yuhũ, Pablo yuhũ basi ahri dihitare ojoaja. Mũsare quehnoa dutiaja.

²² Mari pũhtoro Jesucristore apequiro tiquiro cahĩedagã, Cohãcjũ tiquirore buhiri dahreahro. Mari pũhtoro sojaro mehna tojoa taahro.

²³ Mari pũhtoro tiquiro cahĩne mehna mũsare quehnoa dutiaja. ²⁴ Mari ijipihtina Jesucristo yequina ijiaja. Sa yegũ mũsare tutuaro cahĩaja.

Cohãcjũ Yere Yahuducuri Tju New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
ad83cef1-6eb5-5233-a8f3-356e47bbda0d